

# आत्म जॉन



प्रथम भाग

# आत्म जॉन

प्रथम भाग

अपने पूज्य श्री गुरु महाराज ईश्वरस्वरूप  
स्वामी लक्ष्मण जू के चरण कमलों  
में समर्पित करती हूँ।

राज दुलारी कदलबुजू  
(मस्तानी)

बोहरी, तालाब तिल्लो, जम्मू-2  
दूरभाष : 48548



© सर्वाधिकार प्रकाशक के पास सुरक्षित हैं।

‘आत्म ज्ञान’ भजनावली पुस्तक का पहला संग्रह आपके हाथ में है। इस पुस्तक का दूसरा संग्रह शीघ्र आप के पास छप कर आ रहा है।

मात्र रु० ४२/-

प्रकाशक :- श्री ज्योती प्रिंटर्स, पटोली जम्मू-७

मूल्य : ४२/- रुपये

प्रतियां—३००

---

मुद्रक :- ज्योती प्रिंटर्स, पटोली जम्मू-७

प्रतियां—३००



## प्रस्तावना

श्री गुरुदेव के चरणों में मेरा नतमस्तक प्रणाम बारम्बार है। आज मैं एक कश्मीरी संग्रह कविताओं, को प्रकाशित करने जा रही हूँ। मां सरस्वती की असीम कृपा मुझ निर्बल साधारण नारी पर सदा रही है। उन्हीं की कृपा का वरदान सब है। मैं भक्तगण को यह बताना चाहती हूँ कि यह सब मेरी बेहोशी के आलम का हाल है। सच पूछिए यह सब अर्ध संज्ञा अवस्था का ही अभ्यास है। वह मेरी भावनाओं को अवश्य स्वीकारेंगी। यह भाव मां वैखरी के हैं मैंने केवल तराशे हैं। मेरे इस प्रथम प्रयास में यदि कोई त्रुटियाँ रही हैं, पाठक गण अवश्य क्षमा करेंगे। ईश्वर सब को कृपा करें।

गुरु चरणों की धूल  
राजदुलारी कदलबुजू  
(मस्तानी)



## दो शब्द

हमारी गुरु-बहिन सुश्री दुलारी जी ने गुरु-कृपा वश होकर यदा-कदा अपने उद्गारों को कश्मीरी भाषा में उगला है। यह उद्गार उनकी अन्तरात्मा का परिचय देते हुए अपने ज्ञान का भी चित्र खींचते हैं। अभिनव गुप्त जी ने गीताजी के १२ अध्याय १२वें श्लोक में ज्ञान का सुन्दर लक्षण किया है। वे कहते हैं :—

“ज्ञानम्—आवेशात्म, अभ्यासाच्छेद्यः—अभ्यासस्य तत्फलत्वात् ।”

आवेश में आकर जो कविता कही जाती है वह अन्तरात्मा की सच्ची पुकार होती है। दुलारी जी इन कश्मीरी कविताओं को उनके मुख से ही सुनने का मुझे तथा ब्रह्मलीन देवी शारिका जी को कई बार सुअवसर मिला है। जब भी यह अपनी कविता सुनाती हैं यह आवेश में आकर अपनी सुध-बुध खो देती है। यही तो अभ्यास का फल है।

हम कई वर्षों से इन से अनुरोध कर रहे हैं कि वह इन कविताओं को छपवा दें ताकि जनता भी इन से लाभान्वित हो।

मुझे पूर्ण आशा है कि कवियित्री दुलारी जी अपनी कविताओं को छपवा कर जनता के देहाभिमान की अज्ञता को दूर करके उन्हें कवि - प्रांगण में घूमने का सुअवसर देंगी। ऐसा होगा तो दुलारी जी का प्रयास सफल होगा।

गुरुकृपावगाहिनी  
प्रभा देवी



## दो शब्द

मुझे आज अपार हर्ष का अनुभव हो रहा है कि जीवन में कुछ लिखने का अवसर प्रथम बार मुझे मिला। यद्यपि ईश्वर की कृपा से मैं उस जमाने की अधिक पढ़ी लिखी नारी नहीं हूँ फिर भी संसार के इस सागर में डूब कर पता ही नहीं लगा, समय इतना बीत गया सो “देर आयद दुरुस्त आयद”। इसी कहावत के साथ मैं इन कश्मीरी भजनों के बारे में दो शब्द लिखना चाहती हूँ। इस भक्ति माला के भजनों में तो मानव डूबता ही जाता है। इस पुस्तक की लेखिका का तो यह सारा आत्म अनुभव है। मां वैखरी की महान् कृपा से आज यह सब कुछ पाठकों तथा प्रेमियों तक पहुंचाने का प्रयास हो रहा है। किसी के आत्म-ज्ञान के बारे में कुछ लिखना बहुत ही कठिन काम है। फिर भी मैं इन कविताओं को पढ़कर अपने को कृतार्थ मानती हूँ। जिस को इस महान् नारी का सम्पर्क मिला उसको इस बात का अनुभव होगा। इस संग्रह को बार बार पढ़ने की इच्छा रहेगी, ऐसा मेरा अनुमान है।

ईश्वर सब को कृपा करें।

शांता कौल  
(कदलबुजू)





विषय सूची

क्र०	भजन	पृष्ठ क्र०
1	जय जय गणेशाय नमः	1
2	गो'रु कृत ह्योतुथ	2
3	गो'रु लगयो रिछ ह_न्ध पा'ठ्य	3
4	बूजुम गुरू देव, गोम निर्वाण	5
5	कुस म्य वो'थुरावि आ'श टा'र्य	7
6	शिव ओस द्रामुत	9
7	यि दुनिया सो'रुय वळुम हसा'	11
8	ज्योति आ'स मीजमुच् ज्योति स्वरूपस	13
9	हा आगु लगयो जाग हे_मयो	15
10	मुश्किल गो'रु चोन	17
11	चश्मु लोसम कृत करु	19
12	छारन्य द्रायस गो'रु सरकारस	21
13	छल करिथ	23
14	गो'रु हसा' द्राव बजि यात्राये	25
15	पीरु च_ गयी पीरी	27
16	येम्य पननि रंगु ह्य वु रंगना'वनस	29
17	ल'लु हबाह बीठमच् पलन तल	31
18	वनतो मनु म्यानि लो'गुख कथ	33
19	म्यति वाद् थोवनम	35
20	बृह्य कसंजि आशे लजिस	37
21	वो'थ तुल खंजर कर	39
22	दम हेनुची मोहल्लत म्य दिम	41
23	जोग्यो लगय जूग्य नावसुय	43
24	अदर्योमुत मा छुय लोलु	45
25	हा मत्याह अ'स्य रूज्य	47
26	मच्चि नेन्द्रि मंज वुजना'वथस	48
27	न्यथ प्रभातन प्रथ सातन	50
28	बडि पायि लगय मायि	52



112	...	...	...	...
114	...	...	...	...
116	...	...	...	...
118	...	...	...	...
119	...	...	...	...
121	...	...	...	...
122	...	...	...	...
123	...	...	...	...
124	...	...	...	...
125	...	...	...	...
126	...	...	...	...
127	...	...	...	...
128	...	...	...	...
129	...	...	...	...
130	...	...	...	...
131	...	...	...	...
132	...	...	...	...
133	...	...	...	...
134	...	...	...	...
135	...	...	...	...
136	...	...	...	...
137	...	...	...	...
138	...	...	...	...
139	...	...	...	...
140	...	...	...	...
141	...	...	...	...
142	...	...	...	...
143	...	...	...	...
144	...	...	...	...
145	...	...	...	...
146	...	...	...	...
147	...	...	...	...
148	...	...	...	...
149	...	...	...	...
150	...	...	...	...
151	...	...	...	...
152	...	...	...	...
153	...	...	...	...
154	...	...	...	...
155	...	...	...	...
156	...	...	...	...
157	...	...	...	...
158	...	...	...	...
159	...	...	...	...
160	...	...	...	...





ईश्वरस्वरूप स्वामी लक्ष्मण जू  
( इशवर काश्मीर )



## जय जय गणेशाय नमः



गणपत गणेशाय चैय नमःह,  
पापन च म्यान्यन, कर क्षमाह ।  
कारन हा म्यान्यन, अन जमाह ।०।

घटि मंज गाशा हावतम,  
शापन निश म्य मो'कलावतम ।  
क्षण क्षण प्रथ, क्षण चैय नमः॥  
गणपत गणेशाय नमः ।०।

कलिकाल सुय मंज छस रिवान,  
आशायि सान चैय निश यिवान ।  
मन साविधान रोजिहेम दमाह ॥  
गणपत गणेशाय नमः ।०।

रक्षा करान, रक्षपाल छुख,  
जगतस मंज दयालु छुख ।  
अमृत धाम चोनुय चमःह ॥  
गणपत गणेशाय नमः ।०।

करनावि ताराह चैय छस मंगान,  
मन चानि नावय सा'त्य रंगान ।  
अनुग्रह करतम, छुम तमाःह ॥  
गणपत गणेशाय नमः ।०।



वथ हावतम, सथ म्य चा'नी,  
 चा'नी म्य छय, मेहरबा'नी ।  
 मस्तानि हस्ती चा'न्य छमः ॥  
 गणपत गणेशायै नमः ।०।



## गो'रू कूत ह्योतुथ

गो'रू कूत ह्योतुथ, मटि म्योन बार,  
 भव सेन्धि ति, छुय ध्युन म्य तार ।०।

छुख राजू, त्रन भवनन हुन्दुय,  
 राज छुख करान, शिव लूकनय ।  
 म्यानि विजि ति धोरुथ हा अवतार ॥

गो'रू कूत ह्योतुथ..... ।०।

वन क्याह, कस छस रुशिमुच,  
 मायायि यति छसना, पूशिमुच ।  
 अथरो'ट को'रुथ लो'त गोम बार ॥

गो'रू कूत ह्योतुथ..... ।०।

आयस बु, गरबार त्राविथय,  
 च'य ह\_यक बु, हाल भाविथय ।  
 पो'ज छुख च\_य, अपुजा हा संसार ॥

गो'रू कूत ह्योतुथ..... ।०।

बदनाम गुयस, शहरु गामय,  
 लूकव दिच'हा'म, पामय ।  
 चानि नजरि सा'त्य, प्योम शेहजार ॥

गो'रू कूत ह्योतुथ..... ।०।



जाय रुटथम, शुन्यस अन्दर,  
मन म्योन छु, तोति चोनुय मन्दर ।  
मो'कुलावतम वो'न्य, मन की व्यकार ॥

गो'रु कूत ह\_योतुथ..... ।०।

अभ्यास करनि, योर ब् आयसय,  
छारनि जंगलन, ब् द्रायसय ।  
चमकान वुछुम, चोनुय दरबार ॥

गो'रु कूत ह\_योतुथ..... ।०।

सिद्धी म्य गयि, गो'रु मन्थरस,  
घरि घरि सुय हसा' ब'ति परस ।  
मस्तानि तो'रुय, फिकिरि सार ॥

भव सेन्धि ति छुय ध्युन म्य तार ।०।

गो'रु कूत ह\_योतुथ..... ।०।



## गो'रु लगयो रछि ह\_न्ध पा'ठ्य

गो'रु लगयो, रछि ह\_न्ध पा'ठ्य,  
वछस मंज, करिमय जायि ।

च\_ छुख दूरि रुजिथ ॥

च\_रि वुछान म्यानि मायि ।०।

चे ह\_यव येति, बेयिति काँह,  
कुसू करुयम, रफाकताह ।

म्य वन म्य क्याह, छुम खताह ॥

रुटिथ चानि हा छायि ।०।



यि कुमिय म्य, शमाह होवुमुत,  
म्य ह\_यस त्, होश छु रोवमुत ।  
चेय निश मन म्य, सोवुमुत ॥

सा'त्य सा'त्य छम चानि रायि ।०।

दिलस म्य, कति दवाह बनि,  
तेलि बनि म्य, येलि स'नि ।  
वेयन ति मासा' जांह ननि ॥

दयन को'रुमुत छुनम पयि ।०।

करान रुजास, बु इन्तिजार,  
दयस मासा', यियम आर ।  
बुनिति मासा', सोज्जयम बहार ॥

नतुहा नेर्यम यति म्य वाहि ।०।

दास आयिसय, बरस तल,  
म्येहसा' रुजा, चा'नी कल ॥  
बुछिथ जागतुक्य छल ॥

बिहिथ छस चानि शायि ।०।

बजर चोन हा, प्राविथय,  
खो'श बु, गयस रा'विथय ।  
वो'श चो'ल म्य, मनु ना'विथय ॥

दिलुक्य अरमान द्रायि ।०।

हतो पीरु, म्योन बोज,  
दिलस वजान लोलु सोज ।  
दमाह बेहता, येती रोज ॥

मस्तानि अंजराव न्यायि ।०।

गो'रु लगय, रछि ह\_न्द्य पा'ठय ।  
वछस मंज का'रिमय जायि ।०।



## बूजुम गुरु देव, गोम निर्वाण

बूजुम गुरु देव, गोम निर्वाण,  
म्योन भविनस, नतमस्तक प्रणाम ।  
शिव लूक प्यठ, वो'थमुत छुय विमान ॥  
जय जय, गुरु देव छुय सोन महान ।०।

यि दो'ह गो'छना, म्य वुछुन जांह,  
होवथम येलि तेलि करिज्यम दयाह ।  
वा'तिथ दशु'न छसना करान ॥  
जय जय, गुरु देव म्योन महान ।०।

जान्मा ह्यो'त म्य चानि माये,  
दीवता तान्य आयि, पूजाये ।  
हा मनः कवु छुख, छो'रु छो'रु करान ॥  
जय जय गुरु देव सोन.....

रहबर द्राम बजि यात्राये,  
वनितोस प्यठ थव्यम पनुन साये ।  
वो'न्य कस आसय सीर भावान ॥  
जय जय गुरु देव सोन.....

तीज्जवान छुहम बेयि मेहझूर,  
वनतम अदु क्याजि चो'लुख दूर ।  
बूजिथ यि खबर छसना वदान ॥  
जय जय गुरु देव सोन.....

कति मशि गो'रु म्य चा'न्य मस्तानु चाल,  
कस वनु कुस बोजि, म्योनुय हाल ।  
वनतो यि भजन, किथ छस ग्यवान ॥  
जय जय गुरु देव सोन.....



वलु सोन, कथु तारु करखना,  
दोह तारु असि निश बरखना ।  
मायायि सा'त्य छस वति ब्रहरान ॥  
जय जय गुरु देव सोन.....

दिलु'किस बागुस लगि फुलुयाह,  
छावन्य जांह गो'रु योर यिखनाह ।  
बुछू लोलु सागर छु बुक भरान ॥  
जय जय गुरु देव सोन.....

गो'रु देव ज्ञान चये करना'वथस,  
सा'री व्यकार हसा' त्रावना'वथस ।  
अनुभव रो'स छुम अनुग्रह बनान ॥  
जय जय गुरु देव सोन.....

शैव शास्त्र ओमुय चोमुत,  
शंकरस सा'त्य छुख लय गोमुत ।  
तवय म्यति छुत्युथ हा वरदान ॥  
जय जय गुरु देव सोन.....

मस्ता'न्य द्रामुच बनिय मस्तानु,  
तस छुय चो'पा'र्य गो'रुय वा'न्य यिवान ।  
बेयि छुस म्यूलमुत भक्ति हुंद दाम ॥  
जय जय गुरु देव सोन.....





## कुस म्य वो'थुरावि आ'श टा'र्य

कुस म्य वो'थुरावि आ'श टा'र्य,  
साहिबो म्य दित अनवार्य ।  
थुचमच छसय बु प्रा'र्य प्रा'र्य ॥  
सत्गो'रु म्य दित अनवा'री ।०।

बुनिति वनत छुमाह नेरुन,  
सन्तन सा'त्य हा फेरुन ।  
नाव म्य नेर्यम ननवा'र्य ॥  
सत्गो'रु म्य दित.....

टाठुयन हुन्द, म्य लोल छुम,  
पूरु करनुक बाशि दिम ।  
शायद दियि मा म्य वा'र्य ॥  
सत्गो'रु म्य दित.....

चन्दसुय नजरा दिचम,  
मन्दरस ओसुम अचुन ।  
मो'ह मदु यिनु गछयम ॥  
सत्गो'रु म्य दित.....

वा'सि कस छस बु प्रारान,  
व'ध्य व'ध्य खून हारान ।  
तोहमा'च तमि कम म्ये खारि ॥  
सत्गोरु म्य दित.....

का'सि हंज पूजाह बुछिथ,  
मन म्योन खो'श गव सो'रिथ ।  
कस द्रायि टा'ठुय तान्य सा'री ॥  
सत्गो'रु म्य दित.....



अज्ञा जन म्य चो'लमुत अज्ञाब,  
म्यूलमुत म्य चोनुय शबाब ।

चथ दिचम, लय दारि दारि ॥  
सत्गो'रु म्य दित.....

अ'तलास तय मखुमल,  
पा'रह'थ यिताह, जल जल ।  
छो'प क'र मनन बिचारि ॥  
सत्गो'रु म्य दित.....

वातुन तो'तु छुय मुश्किल,  
यिनाह जेठख, च गाफिल ।  
वो'थ मुचराव, बरस ता'र्य ॥  
सत्गो'रु म्य दित.....

स्यद्ध पो'रुष येति आ'स्य का'त्याह,  
अथ हावान द्रायि नाह ।  
तिमति मुसा' कां'खि खारि ॥  
सत्गो'रु म्य दित.....

असमा'न्य पक्कि जानवर,  
टा'ठुय संजा वनिमाह खबर ।  
तन मस्ता'न्य छि भिखारी ॥  
सत्गो'रु म्य दित.....





## शिव ओस द्रामुत

शिव हय ओस, द्रामुत शक्ति पतय,  
शेरुन्य मा सा' द्रायि गो'रु सां'जु वतय ।  
पछ कुर्यतव, यिम छव पजु कथय ॥  
गो'रु हय ओस द्रामुत, दीवी पतय ।०।

अजातान्य खटिथ कृत्याह रूदिमत्य,  
दयन आ'स्य लीला करनि सूजिमत्य ।  
मो'कलावनि आ'स्यति पनुन्य अतगतय ॥  
शिव हय ओस.....

गो'रु त शिष्य, दो'नुवय आ'स्य तीजवान,  
सान्यन पापन घरि घरि, नाश करान ।  
आ'सि ति रूज्यतन, तिहंज्य सथय ॥  
शिव हय ओस .....

टा'ठुय कति छि टाठुयन जांह मशान,  
घरि घरि रूदिम'त्य छिख लोल भरान ।  
चानि दादि यिनाह गछु\_यम म्य लोलस दत्तय ॥  
शिव हय ओस.....

नाद येलि, लायान ओस शारिकाये,  
वो'थ बी, यिम ह\_बी प'छु\_य चये आये ।  
यिमनुय आ'सिथ लीख्यमत्य खतय ॥  
शिव हय ओस.....

हरगाह, श्माह बनिथ, आ'स्य स' खटान,  
परुवान् छुस, तोति अन्ध्यपा'ख्य रटान ।  
तिहुंदुय लोल गछिमा जांह छ'त्य ॥  
शिव हय ओस.....



बीठिमु'त्य आ'स्य दारिबर त्रोपरिथ,  
गा'मुत्य छि आ'स्य ति करिष्मा हाविथ ।  
पैगाम लीखिमुत्य छिमय लोलु अथव ॥  
शिव हय ओस.....

वाह वाह मन गछि असि ति जांह शद,  
अकि दोह\_ येलि आ'स्य ति गछव आज्ञाद ।  
पत हेम्हा ना जांह जागतच लत्तय ॥  
शिव हय ओस.....

म्य छय, चा'नी द्रय हा सत्गो'रो,  
गन्ड'हा'य भक्ति हं\_ध्य मो'क्तहार साहिबो ।  
बेयि वुछिहा'य, प्यठ चोनुय छ'त्रय ॥  
शिव हय ओस.....

यिछय हा तपस्या, का'र मा कांसि वां'से,  
दय नाव ललुनो'वमुत छुख वां'से ।  
च'लरावनि आयि सा'ने गत्तय ॥  
शिव हय ओस.....

हा वलो ध्यानस मंज, वो'न्य थावतम,  
चलिथ गोहम मत मशुरावतम ।  
नत मस्तानि पजि वनुन न्यथुय ॥  
शिव हय ओस.....





## यि दुनिया सो'रुय वछुम हसा'

यि दुनियां सोरुय, वुछुम ह'सा' फानी,  
म्य छय चा'नी, द्रय हा साहिबो ॥  
को'स्तान्य शक्ति, म्य पतु छु रूहानी ॥  
म्य छय चा'नी द्रय हा साहिबो ॥०॥

गो'र येलि चाव म्यानि आंगन्य,  
दो'पनम चय्थ विमर्शस करनि शुमार ।  
बुहय आसय, तार पानय दिवा'नी ॥  
म्य छय चा'नी.....

अनुग्रह को'रुथम चये हा जाना'नी,  
युथ पतु चये रोजी ना ग्राव ।  
लगयो को'त गोहम, दुरदा'नी ॥  
म्य छय चा'नी.....

यिम चानि दादि स्यठाह बु ललुवा'नी,  
नत कति रूजिथ हे'क तन्हा ।  
त्रावुहा' आलम, छुमना त्रावा'नी ॥  
म्य छय चा'नी.....

म्योन रुह ओस घरि घरि त्रहरा'नी,  
तस छुनाह भय हा अन्त कालुक ।  
बोजा दीदार आ'स्यज्यम हावा'नी ॥  
म्य छय चा'नी.....

येति कांह कांसि छुन परजनावा'नी,  
सारिनुय को'र अभिमानन सूर ।  
कालस कांह मा छु याद थावा'नी ।  
म्य छम चा'नी.....



हा फकीर बनेयस, छस रा'च् रावरा'नी,  
छारान तु प्रारान च'य आ'स सय ।  
सीर बाजु लगयो सीर छसय भावा'नी ॥  
म्य छय चा'नी.....

पह\_र या मह\_ल सा'री छि चावा'नी,  
जानिहे येति कांह, पजरुक सोर ।  
अकि दो'ह नेरुन छु अथहावा'नी ॥  
म्य छय चा'नी.....

चानि घरि नीरिथ छस बु व्यसरा'नी,  
असवुन मो'ख हावतम साहिबो ।  
प्रथविज्जि रोजान छुहम बखशा'नी ॥  
म्य छय चा'नी.....

मस्तानु मस ओसहम चावा'नी,  
तमि सा'त्य ह्यस तय होश रोवुम ।  
घरि घरि मो'त मन छस नावा'नी ॥  
म्य छय चा'नी .....

गो'रु म्यानि लगय च'य पत बु लारा'नी,  
साथा राथा येति बेहतो ।  
मस्ता'न्य छस बनिथ बहा मस्ता'नी ॥  
म्य छय चा'नी द्र\_य हा साहिबो ।०।





## ज्योति आ'स मीजम्च ज्योति स्वरूपस

ज्योति छम मीजम्च, ज्योति स्वरूपस,  
ईश्वर स्वरूपस, क'र पूजाह ।  
लछि ब'ध्य प्रणाम सोजान छस सत्गो'रुस ॥  
ईश्वर स्वरूपस कर पूजाह ।०।

नादन कन थव आलव दितिमय,  
छारान छसथ, गोहोम को'त ।  
वुनिति पेम'त्य छिनाह सा' आ'स्य पायस ॥  
ईश्वर स्वरूपस.....

ग्रावन छयन दिमसा',  
येति ता'ति वत्य हसा' ।  
पत लगय चा'निस निर्वाण रूपस ।  
ईश्वर स्वरूपस.....

ब्रांत्य हो छिम गछान,  
गो'र ओ'रु मा छुम न्येरान ।  
नमिथुय ब्रु चा'निस लोलुस त तीजास ॥  
ईश्वर स्वरूपस.....

यो'दवय भक्ति भावस छु महिमा,  
लगयो पानय वखनावतम सा' ।  
व्यनु पोश लागान छस शिव बीजास ॥  
ईश्वर स्वरूपस .....

शिव शास्त्रन ओसहा'म वखनान,  
कुनि कुनि असिति उपदेश करान ।  
मन तु प्राण छिम रटिथ तसन्दिश नावस ॥  
ईश्वर स्वरूपस.....



क्याह गोम गो'रु देव, चालुन छु दूर्यर,  
भक्ति भावस दितु पानु पूर्यर ।

पतु स्मरण करु चा'निस स्वभावस ॥

ईश्वर स्वरूपस.....

प्रथ पहर आ'सस ईश्वर आश्रम यिवान,

प्रदिक्षण गो'रु मन्दरस हसा' दिवान ।

गो'र ओसुम वुछान आ'किसुय भावस ।

ईश्वर स्वरूपस.....

गो'रु देव ओस, शिवस मेलुनि द्रामुत,

दीवी तु दीवता, छिस पूजाह करान ।

लगयो तिहन्दिस अस्तुत करुनस ॥

ईश्वर स्वरूपस.....

वा'सा गयमो, पूजाह चये करान,

घरि घरि आ'स्य नमान हसा' ।

अजा हसा' अफसानु पननी वनसुय ॥

ईश्वर स्वरूपस.....

हा गो'रो यिनाह मशुरावख म्य जांह,

अन्त समयस प्यठ दितम दर्शुनाह ।

मस्ता'न्य छि वुछान पननिस बरसय ॥

ईश्वर स्वरूपस करत पूजाह ।०।





## हा आगु लगयो जाग हे\_मयो

हा आगु लगयो जाग हे\_मय,  
दूरि प्यठु साहिबो चूरि यिमय ।  
राग हसा' म्य छुम चोन जाग हे\_मय ॥  
हो हो करय म्यानि सतगो'रय ।०।

छारन्य बु न्येरय मनसुय,  
शेछि तय खबर कस वनसुय ।  
आ'श्य वानि सा'त्यन गो'डु दिमय,  
हो हो करय.....

लोलु किस मन्दरस म्य अचनुय,  
अचिथय हा तति छुम नचनुय ।  
शमुरा'विथ मन पत शमय ॥  
हो हो करय.....

मशरा'विथ मा ह्यो'कमख मत्यो,  
डालु दिथ चूरि रूदुख कत्यो ।  
लो'चि चानि हसा' बृति लमय ॥  
हो हो करय.....

करतान्य को'रुथ म्य सा'त्य वादय,  
वनतो च्छुयना सु यादय ।  
को'छ हसा' मनि लाल च्छेय दिमय ॥  
हो हो करय.....

प्रछनय येति क्याजि द्राखो,  
का'मिसन्दि मायि को'त द्राखो ।  
यिखना चानि दादि हा मरय ॥  
हो हो करय.....



छायन तु ग्रायन हसा' लगय,  
 चानि लोलुकुय बाग हो सगय ।  
 पत तति लोलु मस प्याल चमय ॥  
 हो हो करय.....

शाह द्रामुत शाह सवारे,  
 वनतम तति मा म्य प्रारे ।  
 बेयि ज़ाह कुनि मा याद प्युये ॥  
 हो हो करय.....

ह'थ वांसि येति रोज़ुन गो'छुख,  
 बेयि म्यानि नालु बोज़ुन गो'छुख ।  
 म्यहसा' चा'नी आशा छमय ॥  
 हो हो करय.....

दूर्यर वृनो चोन चालय,  
 दिल को'रमय गो'डय हवालय ।  
 याद हसा' प्योहम दम दमय ॥  
 हो हो करय .....

ध्यान धारना धारुनावतम,  
 मनि मंज़ा सुय ठह\_रावतम ।  
 मस्तानि च'य मंज़ हसा' रमय ॥  
 हो हो करय.....





## मुश्किल गो'रु चोन

मुश्किल गो'रु चोन, नेरुन गोम ।

यि कवा ज़ाखमन, ताज़ु नून प्योम ॥

रहबर वथु छय हावन्य च़ेय,

नत मा कुनि वति, रावय ब़य ।

अमृत धाम चानि प्यालु चोम ॥

मुश्किल गो'रु .....

लगयो म्यति करिज़ि तति ज़ांह साल,

बुछत मन म्योन गोमुत छु बेहाल ।

नवि खोतु नो'व, पम्पोश नव्योम ॥

मुश्किल गो'रु .....

चानि लोलुक ओसुम शेहजार,

अथु प्यठ थविथुय बूज़यथम ज़ार ।

रात दोह चोनुय नाव सो'र्योम ॥

मुश्किल गो'रु .....

येलि ध्यानस मंज़ा, बु करथ याद,

तेलि दर्शुन दिथ करिज़यम शाद ।

वनतम जोद मा करिथ गोम ॥

मुश्किल गो'रु .....

गो'रु देव बिहिथ छुम बडि आसनु,

प्रथ क्षणु येति छुम भासान ।

तोति वनत मन क्याज़ि त्रह्योम ॥

मुश्किल गो'रु .....



गो'रु देव म्योन ओसुय भगवान,  
तमिसुय सा'त्य छस लय गछान ।  
लो'ति पा'ठुय संसार म्यति त्राव्योम ॥  
मुश्किल गो'रु.....

शुशो पंजस मंज छस गा'मुच,  
याद छुम कुस, कस छस प्येमुच ।  
यिनाह वनख कुस म्य पत लार्योम ॥  
मुश्किल गो'रु.....

लगयो च'ये हा मदद गारो,  
यीतनय च'ेति म्योनुय आरो ।  
चानि सा'त्य ज्ञान ध्यान लार्योम ॥  
मुश्किल गो'रु.....

वनत वो'न्य कति छाडु चोन पय,  
पय प्रा'विथ पत गछहा लय ।  
म्यहसा' सदा भक्ति धन छार्योम ॥  
मुश्किल गो'र .....

मस्तानि चालव वो'न्य गोछ ध्युन,  
यूग\_ मार्ग\_ किन्य तूर्य हसा' न्युन ।  
गो'रु मन्थर सा'त्यन प्राण रट\_योम ॥  
मुश्किल गो'रु .....





## चश्म लोसम कूत कर

चश्म लोसम, कूत करु इन्तिजार ।  
गो'रु म्यानि लगयो, यीतनय आर ।

बरु तल आमच छस गदाह,  
वाय म्योन बोजिना कांछा सदाह,  
वछि वां'लिज कसवनु दिलकय जार ।  
गो'रु म्यानि लगयो .....

प्राण अपानस मंज थवथ रटिथ,  
मनु किस मन्दरस मंज हो खटिथ ।  
पत चये गंडयो, मन मो'ख्तहार ॥  
गो'रु म्यानि लगयो .....

आसर चोनुय, म्य ओसुमना,  
मन तारन मंज, भासहा'मना ।  
दहिमिस द्वारस प्राण वाल खार ॥  
गो'रु म्यानि लगयो .....

क्याह छुम त्रावुन क्याह छुम प्रावुन ।  
कस छुम लोलु हो'त मन हावुन ।  
हनि हनि जीव गोमुत लाचार ॥  
गो'रु म्यानि लगयो. ...

शरणागत भक्त वत्सलय,  
पूजाह करान, यिनसा'ह कलय ।  
चालान छस संसारुक बार ॥  
गो'रु म्यानि लगयो.....



गीतायि हुंद ज्ञान, बेयि बोजुनावतम,  
वैराग भाव पत सनिरावुतम ।  
शायद बेयि बनि म्य चोन दीदार ॥  
गो'रु म्यानि लगयो.....

शिव लूकस तोर वा'तिथुय,  
पानवुन्य ठाठुयन हा मीलितुय ।  
गो'रु शिष्यस गव मिलचार ॥  
गो'रु म्यानि लगयो.....

गो'रु देवस ब्रोंठुकनि भजन न सा' परुम,  
बस मन अख, सो'न ह्युव गरुम ।  
भेंट छसय करान, अज्ज भजन भण्डार ॥  
गो'रु म्यानि लगयो.....

सुब दम् सो'पन् मां'ज्य हा आह\_म,  
धैर्य वान गो'रु घरु हसा' चाह\_म ।  
तमि विज्जि वो'नमय ओवतार धार ॥  
गो'रु म्यानि लगयो .....

करुणाकर छिहम शूभायिमान,  
तीज्ज सो'स्त छुहम, बेयि दयावान ॥  
मस्ता'न्य छय वनान लोलु असरार ॥  
गो'रु म्यानि लगयो यीतनय आर । ० ।



## छारन्य द्रायस गो'रु सरकारस

छारन्य द्रायस, गो'रु सरकारस,  
इश्वर आश्रम प्रारसो ।  
वनिहेम हय तु, वु सन्यास धारस ॥  
निशात शालमा'र प्रारसो ।०।

प्रारान रोजस वु पुतिमिस तारस,  
रटिहे सु म्यानि, नावे नम ।  
वेयि खबरा हेयि हेम, वेमारस ॥  
इश्वर आश्रम प्रारसो ।०।

लालु सा'ब, साल करयो बहारस,  
पोशन बुछतु फुलया मा छम ।  
वल यितु नजरा दितु पोशि वारस ॥  
इश्वर आश्रम प्रारसो ।०।

म्योन ख्याल कति रोजि तस दिलदारस,  
नतु मा न्येरिहेम प्रछनय जांह ।  
वेचैन कुरनस माघस तु हारस ॥  
इश्वर आश्रम प्रारसो ।०।

परवाह मा छुम तस शाह सवारस,  
युस ओस युगियन हुंद यूगी ।  
यी नय बहसा येति पान मारस ॥  
इश्वर आश्रम प्रारसो ।०।

साहिबो, मा'च हिश हो पतु लारस,  
वनिहेम न्येरुन हबी छुम दूर ।  
बुल बुल शे'छ वनत, तस करतारस ॥  
इश्वर आश्रम प्रारसो ।०।



मारु छस गा'मच प्रार वो'न्य चारस,  
बेयि कुस करि येति म्योन वो'पाय ।  
नजारा त्रावतम मेति मिसमारस ॥  
इश्वर आश्रम प्रारसो ।०।

लगयो चा'निस सत्त दरवारसु,  
वीद ज्ञान ओसहा'म तति वखनान ।  
धीद गयि सय येलि राज छि लाचारु ॥  
इश्वर आश्रम प्रारसो ।०।

लोल कूत बो'रनम त'म्य नादारस,  
नत कति गछिहेम दय सन्जा ज्ञान ।  
लगयो गो'रु चा'निस शिव सारस ॥  
इश्वर आश्रम प्रारसो ।०।

वो'न्य कसन्जा कल रोजि म्ये गो'नाह गारस,  
युस ओस साहिबो नूर सुय चो'लुम ।  
वनतो करु क्या यथ संसारस ॥  
इश्वर आश्रम प्रारसो ।०।

गा'फिलो छांडुन मंजा व्यवहारस,  
पत रोजि चो'य सा'त्त अन्दु तु वन्दु ।  
मस्ता'न्य जाग हेयि तस गुलजारस ॥  
छारन्य द्रायेस वु गो'रु सरकारस ।०।





## छल करिथ

वलाह बोज छल करिथ,

द्राह\_म च\_ सत्गो'रु ।

कवा जिगरस फरिथ ॥

द्राह\_म च\_ सत्गो'रो ।०।

यिन चानि सा'त्य,

दादि चानि म्य का'त्य ।

पत छरि बाव भरिथ ॥

द्राह\_म च\_ सत्गो'रो ।०।

शान्त मन सागर,

भरवय हय गागर ।

बेयि चूनि जरिथ ॥

द्राह\_म च\_ सत्गो'रो ।०।

बृहा भाव बीन वायय,

लोलु नाद हा लायय ।

दिल जाखमी कुरिथ ॥

द्राह\_म च\_ सत्गो'रो ।०।

सालु यितु लालु जार,

करिमय म्य जारुपार ।

पाप म्या'न्य हा हरिथ ॥

द्राह\_म च\_ सत्गो'रो ।०।

येमि चमनुक बहार,

छावि म्योन दिलदार ।

लोलु पोशि मन भरिथ ॥

द्राह\_म च\_ सत्गो'रो ।०।



छायि ग्रायि छम गछान,  
मन छुमना व्यचान ।  
बु छस चोन नाव सो'रिथ ॥  
द्राह\_म च\_ सत्गो'रो ।०।

यिन् सो'दरस फटि नाव,  
बुथि छु वरजुन वाव ।  
तारस तति तरिथ ॥  
द्रा\_हम च\_ सत्गो'रो ।०।

येति छि लोलु बस्ती,  
असि छि चा'नी मस्ती ।  
संसार म्य खटिथ ॥  
द्राह\_म च\_ सत्गो'रो ।०।

छुम खसुन म्य आकाश,  
कडिथ मनसय वाश ।  
शैव शास्त्र परिथ ॥  
द्राह\_म च\_ सत्गो'रो ।०।

सूक्ष्म भावस सनिथ,  
चोन नाव मनस गनिथ ।  
मस्ता,न्य पान वरिथ ॥  
द्राह\_म च\_ सत्गो'रो ।०।





## गो'रु हसा' द्राव बजि यात्राये

गो'रु हसा' द्राय, बजि यात्राये,  
दीवता अस्तुत, करनी आये ॥  
बति छस आमच, पूजाये ॥  
बति छस आमच, ॥०॥

बबु नजारा, म्यहा स्यठाह वुछुम,  
चोन ध्यान, अन्तर मनस गछु'म ।  
लगयो बू चा'निस, लोलुस तु माये ॥  
बति छस आमच.....

नभकी तारख, चानि वतु शेरान,  
बति यिमहा'य, वुछिनि तो'तु दौरान ।  
असि प्यठु थविजि, पनुनय साये ॥  
बति छस आमच.....

लगयो, बहा ललु, चूय बना'वथस,  
तलु पातालुस, चूरि था'व थस ।  
मनः विश्वास थव गो'रु करि पाये ॥  
बति छस आमच.....

येलि हसा' बू आ'ससय आश्रम यिवान,  
लोल कूत, गो'रु देव ओसहम भरान ।  
रूजमच छसयो बू चानि त्राये ॥  
बति छस आमच.....

लगयो, चूय बू इन्द्राजु चाले,  
कुस म्य वो'न्य अनुग्रह अथु डाले ।  
यिनसा' नेरि जांहति येति म्य वाये ॥  
बति छस आमच.....



म्यति कुनि टाठुयो साल करतम,  
दूरि दूरि बेयि चूरि लोल भरतम ।  
मत्याह लगयो वो'न्य, खत्यन चाये ॥  
बति छस आमच.....

यूगियन हन्दि हा यूगीश्वरो,  
म्यानि सत्गो'रु परमीश्वरो ।  
विजि विजि दिज्यम पनुन दाये ॥  
बति छस आमच.....

गो'रु लगयो, चा'निस हा लोलस,  
द्रामुत ज'न छुख, च' सा'लस ।  
वनत टाठुयन त्राविथ कवा द्राये ॥  
बति छस आमच.....

लछि नावि को'छि को'छि ललनावथ,  
जिगरस मंज हसा' चूरि थावथ ।  
आमच छस बहा' चानि राये ॥  
बति छस आमच.....

मस्ता'न्य गा'मच हय बेकरार,  
तमिसुन्द छु यिवान दयसुय आर ।  
छस करान घरि घरि सो' पाये ॥  
बति छस आमच पूजाये ।०।



## पीरु च् गयी पीरी

पीरु च् गयी पीरी,  
म्य ग'छ दिन्य फकीरी ।  
यिमय लोल अथव सा'त्य ॥  
करत दस्तगीरी ।०।

यिवान रोज़ा लगातार,  
करान ओसु'हम इन्तिज़ार ।  
योर यिनु सा'त्यन ॥  
म्य रोज़ान छि सीरी ।०।

च\_ साहिबो कलन्दर,  
यि मन म्योन छु मन्दर ।  
लगय माफ करिज्यम ॥  
यिनस गयम दीरी ।०।

अचिथ आस्तानन,  
व'न्य दिनि हा मस्तानन ।  
तिमव अथरो'ट करिथ ॥  
म्य करखुना या'री ।०।

म्य कोताह छु वुनि पकुन,  
लगय कां'सि हुन्द थ्यकुन ।  
दूरि येलि, वुछनस ॥  
वो'नुन ठहर मन्सूरी ।०।

म्य प्रुछ नव बहारन,  
पकवन्य आबुशारन ।  
सु मा कुनि डूँठवोनु ॥  
म्य मो'कलावि सबूरी ।०।



बुछिय रूस्य क'ट पकान,  
नाफु अन्दरी खटान ।  
बु छस दामन वटान ॥  
म्ये छय मजबूरी ।०।

यि कवा येति छु सुनसान,  
बु जन रा'वस अन्जान ।  
यितम योर नितम तोर ॥  
वन्दय टा'ठ्य सारी ।०।

गछिव प्रछितव टाठ्यन,  
तिम क'म्य खा'र्य का'ठ्यन ।  
बु छस तार वाटन ॥  
यिनाह जा'ह सु दूरी ।०।

न हो'न्दु न मुसल्मान,  
दो'नवय मयस को'रुवान ।  
वन्दिथ छुनय जुव तु जान ॥  
बेयि हा लगय पा'री ।०।

यिहय गुयि तपस्या,  
म्य गछि हल समस्या ।  
मस्ता'न्य पयस गा'मच् ॥  
दितस मन्जूरी ।०।





## येम्य पननि रंग् ह्य ब् रंगना'वनस

येम्य पननि रंग् ब् रंगना'वनस,  
तमि ल'ल ब् चूरि पाठ्य बना'वनस ।  
जांहति नय कां'सि पत ब् हावनस ॥  
तमि ल'ल ब् चूरि.....

मस्तान् वनतम, को'त गोहम,  
विजि विजि चयतस येति प्योहम ।  
रातस तोति, परजना'वनस ॥  
तमि ल'ल ब् चूरि.....

रातस दोहस यस ब् प्रारन,  
शामन सो'य छस न छारन ।  
वो'न्य कवा, वन् तमि त्रा'वनस ॥  
तमि ल'ल ब् चूरि.....

सत्संग सा'त्य प्योम शेहजार,  
रंगनाविथ छुम थवान यार ।  
बोज, लोल भंगय ता'म्य चा'वनस ॥  
तमि ल'ल ब् चूरि.....

तरनुक तु मरनुक छुम तमाह,  
अथरो'ट करिहेम तु यियि जमाह ।  
भावना ह्यथ तस, भा'वनस ॥  
तमि ल'ल ब् चूरि.....

वारु वारु जार बोज तो म्या'न्य,  
म्य छि लालु गोसु गा'मत्य चानि ।  
तोति कमि ब् लो'लि ललुनावस ॥  
तमि ल'ल ब् चूरि.....



कथ छस थवान, येलि लोलु कथन,  
वा'न्य छस दिवान चान्यन वतन ।  
वनतो का'म्य बु त'पा'वनस ॥  
तमि ल'ल बु चूरि.....

पोशिवान्य मंज छु ब्यूठमुत,  
नाह\_कय म्य मन छुम रूठमुत ।  
छो'रु छो'रु बु क'म्य करना'वनस ॥  
तमि ल'ल बु चूरि.....

ह्यस रोव तु प्योम खटोनुय,  
मसवा'ल्य मस चव हा, चोनुय ।  
अनि धटि ति सा'र करना'वनस ॥  
तमि ल'ल बु चूरि.....

चानि यिनु, प्रव ज'न छे प्येमच,  
कथनुय दत ज्ञान म्य गा'मच ।  
प्रारान छस बहार छावनस ॥  
तमि ल'ल बु चूरि.....

न्यथ छो'रमख सो'न्दर मालन,  
लालु फेरान को'हन तु बालन ।  
वनत वति कवा, राव-रा'वथस ॥  
तमि ल'ल बु चूरि.....

वन भवनन हुंद राजु आव,  
म्या'निस मनस घरस मंज चाव ।  
मस्ता'न्य बु सरु करना'वथस ॥  
तमि ल'ल बु चूरि.....





## ल'ल हबाह बीठमच पलन तल

ल'ल हबाह, बीठमच छि पलन तल,  
तस आ'स्य करुन्य स्यठाह मसलु हल ।  
तोति संसारन करिनस छल ॥  
ल'ल हबाह बीठमच .....

यिमनुय करान आ'स लो'लुमत लायि,  
तिमवुय दिचमुच छह'स दिलस ग्रायि ।  
सो' वनान मनु म्यानि, च\_ मसा' डल ॥  
ल'ल हबाह बीठमच . ...

त्राहि त्राहि मन ओसुम करान,  
बस वो'न्य, अख दय नावा सो'रान ।  
बाकुय छु सोरुय येति, दल दल ॥  
ल'ल हबाह बीठमच .....

यस वु द्रायस, छारन्य चोपा'री,  
सु हसा' आमुत, बूजुम यपा'री ।  
लगयो, तोति रुजाय म्या'नी कल ॥  
ल'ल हबाह बीठमच .....

दो'पमस, जन्मा ह्योतुम चानि वेरि,  
शरु लदन, शर कर सनाह नेरि ।  
तोति ध्रुतमुत छुनस दयन बल ॥  
ल'ल हबाह, बीठमच... ..

बुछ बागस छ'म पोशि फुलया,  
मत्यन ! दिलस दा'ध्य च'लिम ।  
मनु स्यो'द रोज बा कुनिमा ह'ल ॥  
ल'ल हबाह, बीठमच .....



येति छस करान, चोनुय इन्तिजार,  
जून गाशस मंजा, वुछुम दीदार ।  
तवय हसा' योर युन गोम सफल ॥  
ल'ल हबाह, बीठमच.....

शेछु व'नी ना, च' कांसि म्या'नी,  
गाजिथस क्याजि बु, दानि दानि ।  
रातस लूसस, लीखित चा'न्य गजाल ॥  
ल'ल हबाह बीठमच.....

ओ'ब्र तल वुछुम सिर्य द्रामुत,  
टो'ठ ओसुम तसल्लाह दिनि आमुत ।  
थर थर त्रावु, मनु म्यानि संभल ॥  
ल'ल हबाह बीठमच.....

चोन दरबार, येलि व चायस,  
खा'ल्य मसा' जांह तोर आयस ।  
तति पूजि ला'ग्यमय लोलु कमल ॥  
ल'ल हबाह बीठमच.....

जिंदु येलि मन मरि, गछिनु बेमार,  
रिन्दन मंजा तति, दय कर्यस शुमार ।  
बेयि बनिहेम, लो'लु जारुमव बल ॥  
ल'ल हबाह बीठमच...

वारु वारु वांस आयि सोरान,  
मन क्याजि तोति ओस दोरान ।  
मस्तानि मस्ती हुन्द सूर भल ॥  
ल'ल हबाह बीठमच छि पलन तल ।०।





## वनतो मन् म्यानि लो'गुख कथ

वनतो मन् म्यानि लोगुख कथ कारस,  
वा'न्य दिजिहे, तस शाह सवारस ।  
गछ बुछ, तति मा छुख च\_ शुमारस ॥  
वा'न्य दिजिहे, तस लालु जारस ॥

प्रारान बति छस, नविसुय बहारस,  
युस हा, मन् पम्पोष फो'लराव्यम ।  
गा'फिलो, राव म'बा, माघ तय हारस ॥  
वा'न्य दिजिहे, तस शाह सवारस,

घाट छुम प्योमुत, येति बापारस,  
युस हसा' करियोम, संसार पुचि ।  
त्राविथ सोरुय, त'स्य पतु लारस ॥  
वा'न्य दिजिहे, तस शाह.....

चावु सान छोंडमख, सत्त बाजारस,  
मो'ल कडनावहा'म तति मा जांह ।  
तव किन्य छोंडमख प्रथ कुनि शाहरस ॥  
वा'न्य दिजिहे तस शाह.....

अकि दोह\_ खबर, हेयि मा म्य नाबुकारस,  
बुहय छसय, हचर जाद हिश प्रारान ।  
तोति लगहा'य चानिस गुलजारस ॥  
वा'न्य दिजिहे तस शाह.....

वो'थ बा प्र\_छ, तमिसय, मो'ख्तुहारस,  
युस छुय चाने द्रुय करान ।  
चारु करिहेना म्यानिस सहारस ॥  
वा'न्य दिजिहे, तस शाह.....



शेछु हय सूजामच छनम, ह्यथ खबरदारस,  
यिनय रातस नेन्दरु त्रावख ।  
टोठ तय छु फेरान प्रथकुनि द्वारस ॥  
वा'न्य दिजिहे तस शाह.....

लगयो, राग मेलि, कर म्य दागदारस,  
माघस मज्ज तेलि, द्राग चलि जांह ।  
बुछिये सु जांह, म्यानिस संत कारुबारस ॥  
वा'न्य दिजिहे तस शाह. ....

करु क्याह, अछन हन्दिस् आवशारस ।  
शालुमा'र ह्युव ज्ञान छिम बासान ।  
सुय करि अथरो'ट मेति मिसमारस ॥  
वा'न्य दिजिहे तस शाह.....

साहिब द्रामुत छु बूजुम शिकारस,  
तस छस ज'न अथि आमच ।  
नजारा त्राविथ गोम ज्ञान बेमारस ॥  
वा'न्य दिजिहे तस शाह.....

खो'श गछतो, बुछिथ बन्दन हारस,  
म्यहा बूजा, च'माह छुय योर युन ।  
खबरा प्रछहा, तस नागवारस ॥  
वो'न्य दिजिहे तस शाह.....

करु क्याह, यथ चानिस खुमारस,  
युसना कुनि विजि छुम बासा'नी ।  
मस्तानि छारबा, वो'न्य मंज मजारस ॥  
वा'न्य दिमहा तस शाह सवारस ।०।



## म्यति वाद् थोव्नम

म्यति वाद् थोवनम, शामनस,  
थफ दिचनम, दामनस ।  
वेयि हय, चावनस लोलु मस ॥  
पत म्य रोवुय, होश तु ह्यस ।०।

लोल कोताह, छुम भरान,  
जो'द ज्ञ'न ओसुम करान ।  
हा फकीरस, वोथ हा दस ॥  
म्यति वाद् थोवनम.....

प्रुछनम, च् हठु त्राव,  
गोस् गो'यय सु मशराव ।  
वातुना'वनस हा पयस ॥  
म्यति वाद् थोवनम.....

कम्य बु करुस रुसवाह,  
यिमाह छुम लोलुक प्रवाह ।  
वनत तकसीर येति छु कस ॥  
म्यति वाद् थोवनम.....

दोपनम गो'डु मचर त्राव,  
अद् परम पद च् प्राव ।  
पत मा छख, बेकस ॥  
म्यति वाद् थोवनम.....

यि कुस म्य करान आलव,  
वानस हा ध्युत म्य फालव ।  
बोज़, चा'नी टा'ठ छस ॥  
म्यति वाद् थोवनम.....



हतो पीरु सोज, बोज,  
ग्यवान छसय लोलु सोजा ।  
यारानु सा'त्य बू गा'जिनस ॥  
म्यति वादु थोवनम.....

शमाह पान हा'विथ गव,  
पोंपुरन क'र हो, दव दव ।  
बूति मय लजिस तावनस ।  
म्यति वादु थोवनम.....

यिनाह म्य गछि अभिमान,  
त'मिस वंन्दिम मन तु प्राण ।  
तवय त'म्य हेछिना'वनस ॥  
म्यति वादु थोवनम.....

साल पजिहेस, मेय करुन,  
तमिस छु मन म्योन, सरुकरुन ।  
ता'म्य लोल बू छावना'वनस ॥  
म्यति वादु थोवनम.....

सुमा म्यानि वेरि आव,  
म्ये क'रुमच छह स्यठाह गाव ।  
बू हबी वनस ! लालुस ॥  
म्यति वादु थोवनम.....

म्य को'र चोन ऐतिबार,  
तवय करान इन्तिजार ।  
छारिथ तु प्रारिथ थुचस'स ॥  
म्यति वादु थोवनम.....



म्य गयि वदान वदान गित्य,  
पोश चारिम, चये हा किथ्य ।  
कांसि नु बी हाव्यनस ॥  
म्यति वादु थोवनम.....

लोलस कम्य खोर चलेजाव,  
योहय गवना आत्म भाव ।  
मन ह्यथ, बु हय सावनस ॥  
म्यति वादु थोवनम.....

दमाह बेहत शमाह जाल,  
म्य कोरु मन चये हवालु ।  
मस्तान्य वाच परम पदस ॥  
म्यति वादु थोवनम शामनस ।०।  
थफ दिचनम दामनस ।०।

## बहय कसंजि आशे लजिस

बहय कसंजि आशे लजिस बाल वारे,  
हा म्यानि गाशे आलव बोजा ।  
लोलु हत्यन कांम्य करिनम कांशे ॥  
हा म्यानि गाशे आलव बोजा ।०।

त्रफ गांमच छस येमि संसारय,  
वारय म्यान्य दादी बोजा ।  
लोलु किस, ध्यानस यिन प्यन होशे ॥  
हा म्यानि गाशे, आलव.....

त्रावि शय यिन थवहांम येमि विश्वासय,  
ज्ञान द्राति सात्य पाप चटरावतम ।



पतु वुछत, लीखित क्याह छुम राशे ॥  
हा म्यानि गाशे आलव.....

सो'खु दो'खु विजि मा, प्रुछनम कां'से,  
वांसे प्रारिथ हा चैय ।  
पनुन्यन पननी छि कडान पाशे ॥  
हा म्यानि गाशे, आलव .....

ठहरान मासा' छुम मनसाराम,  
आराम कति मेल्यम ।  
वथ रटहा जांह चत आकाशे ॥  
हा म्यानि गाशे...

हा मनु ध्यान थव, पननिस,  
वानस फावल दिथ ।  
पत विमर्श कर, ध्यानचि त्राशे ॥  
हा म्यानि गाशे .....

म्यहा छय चा'नी द्रुय हो साहिबो,  
चाने दादि आयस ब योर ।  
जान्माह धोरुम अमि अभिलाशे ॥  
हा म्यानि गाशे

दोह रात मन, दानि दानि तूलुम,  
व्योल वोवुम सूहमसू ।  
नजारा त्रावतम, अशकचि चाशे,  
हा म्यति गाशे .....

मस्तानु मय चव, अमि आशे,  
दय मा जांह तूर्य नियस ।  
भा'गरावान ओस लोलु बताशे ॥  
हा म्यानि गाशे.....





## वो'थ तुल खंजर कर

वो'थ तुल खंजर, कर बिसमिल्लाह,  
मय्य छिय, गा'मत्य गोडय ज़बाह ।  
अमि वति पुकिथुय मिसमार छु मिस्कीन ॥  
वनतम अज़तान्य, गयि का'त्य तबाह ।०।

दिलकिस महलस मंज़ा छुख प्रज़ालान,  
लूभान छुम मन, बति वातहा ।  
तंबला'विथ गोम मा चश्मु नूर ।०।  
वो'नुमस, ज़ांह यित योर रबाह ।०।

दुरदानु प्रारान छस चानि ज़िये,  
द्रुय म्य, पत मशनम,  
ज़ांह यित घनि घटि पानय वो'टि वो'टि ।  
खो'र वाहरा'विथ, रोज़ातम शबाह ।०।

परतव चोन प्योमुत म्य मनसुय,  
खनसय कति संसार ।  
घरसुय मंज़ हसा', जोगन बनसुय ॥  
लगयो ज़ांह यित, दिख म्य दगाह ।०।

कशि तीर लायिथ, लशि नार छुम गंडान,  
अशि म्यानि सा'त्य सा'र्य गो'य दामनु ।  
वछि वछि रातस छस्यो दिवान ॥  
वनतो दर्शुन चोन बु लवाह ।०।

पतिमे य्यारे चानि वनहारे,  
छो'रु छो'रु करिथ को'रुम इन्तिज़ार ।  
कबरे मंज़ तान्य क्रख आ'स द्रामच् ॥  
यिनसु सुजावख म्य रो'सु सबाह ।०।



मनुकिस आ'नस मंज छस्यो वुछान,  
 साहिब तति छुम, नजरि गोमुत ।  
 चा'नी कायनात फट लाविथ छि येति ॥  
 असवुन तु फो'लवुन वुछुम समाह ।०।

चानि वेरि त्यागव्य जामु पा'रा'विम,  
 यारुन छु च'ये तामथ साहिबो ।  
 तारस प्रारान, यारस वृ छस्यो ॥  
 युन मा यो'त तस जरूर पेयिहबाह ।०।

जो'जारा चामुत, छुम म्ये सो'न्दरे,  
 थजारय प्यठु नजरि त्राथतम ।  
 घरबार मो'ठुम च'ये तसल्लाह गो'यनो ॥  
 पानय दित्यथम येति ज'न दबाह ।०।

यावनुन बाजार तावनुन छु संसार,  
 दो'नवय येति हो वुछिम चलवुन्य ।  
 मस प्यालु भरिथय थविमय च'ये किथ्य ॥  
 लगयो लोलु सान अज चबाह ।०।

तेलि मा युन पेयि योर शाहजादो,  
 येलि मस्ता'न्य श्रेपि मर गुजारन ।  
 हंग मंग फो'लहन, गुल म्य मजारन ॥  
 चानि शफगुच गछिमा फनाह ।०।

वो'थ तुल खंजर कर बिसमिल्ला ।  
 टा'ठय छिय गा'मत्य गो'डय जबाह ॥



## दम हेन्ची मोहल्लत म्य दिम

दम हेन्ची मोहल्ल म्य दिम,  
गम कास हनाह, गम कास हनाह ।  
कृम कृम सितम, गा'मत्य म्य छिम ॥  
गम कास हनाह, गम कास हनाह ।०।

पुश्रोवमुत येमि च़ेय छुनय,  
तस गो'छ ज़िन्दु रोज़नु ध्युनुय ।  
तस वनसु, घरि घरि येति नमाह ॥  
गम कास हनाह.....

दासन मंज म्य, दास गंज़राव,  
न्याय म्योन लो'त पा'ठुय अंज़राव ।  
हंग तु मंग, जांह पानु योर यितम ॥  
गम कास हनाह.....

मशरा'विथ, संसारचि वतय,  
याद छम प्यवान, प्रान्य कथय ।  
नमिथुय तु शमिथुय, तरन कम ॥  
गम कास हनाह.....

रास आम ना येतिक्य कारुबार,  
तवकिन्य छोरुम चोन द्वार ।  
गालुन गो'छ म्य अभिमानु ख'म ॥  
गम कास हनाह. ....

मनुकिस यथ दरियावस,  
तरु किथ वरज़निस वावस ।  
लोलु पम्पोश मासा' फोल्लनम ॥  
गम कास हनाह.....



म्य छि चा'नी द्रय लोल हो आम,  
मंदिन्यन करिथुय गोम शाम ।  
वलसा' वुछत वुनिति मा छु दम ॥  
गम कास हनाह .....

लगयो वसवास म्य कासतम,  
हनि हनि मनि मंजा भासतम ।  
खो'श गछ वुछिथ चोन लोलथम ॥  
गम कास हनाह .....

येति मा छु रोजुन कां'से,  
प्रारान कुस छु कस वां'से ।  
जांह मा म्य साहिब, याद प्येयम ॥  
गम कास हनाह ....

घरु नावान छसयो येति दो'हय,  
दोह गुज्जारुन, चानि रो'स कोहय ।  
आशा म्य तोति तमिसंज छम ॥  
गम कास हनाह .....

मास्ता'न्य वुन्य छुम न्येरुन दूर,  
मेति करनि यठि तति मन्जूर ।  
छय दपान कुनि विजि म्यति ॥  
गम कास हनाह, गम कास हनाह ।०।



## जोग्यो लगय जूग्य नावस्य

जोग्यो लगय जूग्य नावस्य,  
असवन्यहा टा'ठिस सो'भावसय ।  
फो'लवन्यस चानिस वावसय ॥  
जोग्यो लगय जूग्य नावस्य ।०।

मंजिलस म्य वातुन छुम जरूर,  
बेशक सु कोताह आसि दूर ।  
मेलनुक म्य छुमहा, हावसय ॥  
जोग्यो लगय

ललवान ब छसना लोल दोद,  
कम्य तान्य को'रनम हा जोद ।  
शेहजार वुछुम अशक तावसय ॥  
जोग्यो लगय

डाबर बजावान छुख यिवान,  
भंगुमत्या हंग मंग छुख नचान ।  
चति मा लो'गुख, यति दावसय ॥  
जोग्यो लगय

जागतुक राजु, आस्थि फकीर,  
वनत क'म्य ल्यूखनय चोन तकदीर ।  
यि सो'रान मासा' ब रावसय ॥  
जोग्यो लगय

अजमावथस हसा ब बेशुमार,  
वन् नस तिमा थो'वथम हा वार ।  
मिलुचारुक समय चयतस पावसय ॥  
जोग्यो लगय



यठुय आ'स्य चा'न्य, च'य प्यठ फिदाह,  
 रुजिथ मासा' हेक्य तिम जुदाह ।  
 ओ'श कूत वो'न्य येति त्रावसय ॥  
 जोग्यो लगय.....

छिय हवाल, लालु यठि म्यानि,  
 विश्वास थोवुम, छम द्रुय चा'न्य ।  
 शेछि वाचम ह्यथ कावसय ॥  
 जोग्यो लगय.....

तलवारि दारि हव छु द्वार चोन,  
 सौदाह ति मासा' छु, छोन म्योन ।  
 सर चरनन तल ब त्रावसुय ॥  
 जोग्यो लगय.....

करतान्य चोलमुत छु यावुन,  
 त्रावबा म्य वो'न्य, क्शेनावुन ।  
 मन्सूरु मन हसा' ब सावसय ॥  
 जोग्यो लगय.....

ग्राव त्राविथ वाव ह्युव यितो,  
 हंग तु मंग म्य हसा तूर्य नितो ।  
 मस्ता'न्य वुछतम च चावसुय ॥  
 जोग्यो लगय जूग्य नावसुय ।०।



## अदर्योमुत मा छुय लोल

अदर्योमुत मा छुय लोलु दामानु,  
म्यानि अ'शि सा'त्यन मस्तानो ।  
बडि दरबारु छसथ च\_य छारान ॥  
साहिबो म्यति हा, छिय प्रारानो ॥०॥

जुव तु जान वन्दयो हा म्यानि दुरदानु,  
पानस तान्य मा, केँह थोवथम ।  
येति तति च\_ये छसय प्रारान जानानु ॥  
साहिबो म्यति .....

अर्ध रातन, येलि छुहम वुज\_नावान,  
वो'थ बी, वेलु वोत साधनायि हुंद ।  
थरु थरु चायम, अ\_छि छसय मुचरान ॥  
साहिबो म्यति .....

मटि छिय च\_ये हसा', सा'री सन्तान,  
यिम हसा' वति प्यठ छि वतु हावक ।  
भक्ति भाव सा'त्यन, च\_ये छी पुशरान ॥  
साहिबो म्यति .....

मंगनस क्युथ गो'डु, खास दितमो बानु,  
अद वानु वानु गछ\_ फिरनावन्य ।  
रूदुख च\_ टाठयन अवलय मेहरबान ॥  
साहिबो म्यति .....

गूरु गूरु करयो, हताह म्यानि दुरदानु,  
लोलुस म्यानिस वुछत छासा' असर ।  
बुर्य बुर्य वुछिमय, तति चा'नी खजानु ॥  
साहिबो म्यति .....



वछि वालिजि छिय आमत्य देवान्,  
 को'छि हसा' दित्यमय, भक्ति धन करोर ।  
 सो'रुहथ किथाह वो'न्य, बाश आसतम दिवान ॥  
 साहिबो म्यति .....

घरु नेरनुक बल्य गोमो बहानय,  
 मन मंजालिस मंज ललुनाविथ ।  
 बूजुम बठि छुख नाव म्या'न्य खारान ॥  
 साहिबो म्यति ....

लूक लजायि किन्य, पाम् छस चालान,  
 साहिबो क्याजि कुरथस पशेमान ।  
 म्यानि दाध्युक दवाह, च\_य छुख जानान ॥  
 साहिबो म्यति.....

चारु करतु ब'ड कथ छम चोन यारान्,  
 मन क्यन तारन, वाठ छस दिवान ।  
 गारान छसथो, को'ना छुहम थारान ॥  
 साहिबो म्यति .....

आवलुन्य मंज खारतम छुखच\_ भा'गरान,  
 तावनुन बाजार वुछुम भवसर ॥  
 युन गछुन असि हिव्यन छुनु शूभान ॥  
 साहिबो म्यति.....

दीदार बनिहे, म्यति कां'सि हंध्य बहान्,  
 अमावसि मंज जूनु पछ भासिहेम ।  
 त'नय प्यठ मस्ता'न्य हमान तु शो'मान ॥  
 साहिबो म्यति हा छिय प्रारानो ।०।



## हा मत्याह अ'स्य रूज्य

हा मत्याह अ'स्य हा रूज्य,  
गारस मंज खटिथ ।

सौदा गव खत्म,  
वान थो'वना वटिथ ॥

चलवुन छु संसार,  
कस प्यठ छु एतिबार ।

तवु किन्य रिन्दु तान्य,  
रोजानु छि न'टिथ ॥

मताह करतु थपु थप्य,  
पनन्यन तु परध्यन ।

मोह ममता, गछिना हा थवनी चटिथ ॥

नोव घरु छा'र्य छा'र्य,  
परु यिनाह प्यमु जांह ।

अरसर छस करान,  
क्याह गव गटिथ ॥

पारु पारु को'रनम हा यारु सुन्दि लोलुन ।  
वारु मा छस ब, बेशक रूजस हटिथ ॥

दाया प्रुछमुत म्य बा'यि,  
साधन त सन्तन ।

अ'स्य छि रूध्यमत्य, म'त्य सदाह ।  
मन त प्राण हा वटिथ ॥

योतान्य जोव छु जिन्दु,  
गिन्दनोवथन सु जार ।



थकिमृत्य अ'स्य, कोताह छिय, ओ'श छ'टिथ ॥

जन्मा सोर्यव असि, सों'बरान हा सामान् ।  
अपजी मायायि, थविमृत्य अ'स्य वटिथ ॥

लोलु आवाज म्यानि, यठि गयिना च्य कनन ।  
तावनस लजिसय, सोर्य छुम वटिथ ॥

तमि सूजिन्नम खजान, भा'गरुन्य छि ला'जिम ।  
पजिहे रोजुन असिति, अ'थ्य प्यठ डटिथ ॥

अन्जान आ'सुस स्यठाह,  
विश्वास म्य को'रुमय ।  
मस्ता'न्य जिन्दगी थ'वमुच् जन खटिथ ।  
सौदा गव खत्म, वान थो'वना वटिथ ॥

### मचि नेन्द्रि मंज वुजना'वथस

मचि नेन्द्रि मंज वुजना'वथस,  
ललना'वथस, सो'लना'वथस ।  
लगयो च्यतस हसा' था'वथस ॥

तमि पत, म्य तति भास्योम प्रकाश,  
बस छम हा, चा'न्य अख आ'श तु नाश ।  
वारु वारु, यारु परजना'वथस ॥  
लगयो च्यतस हसा' थावथस ।०।

समयस कुरिथ, युस रुद शुमार,  
तस छनु कांसि हंज, जांहति लार ।  
मनि मंज बिहिथ, वन्य थावथस ॥  
लगयो च्यतस.....



वां'सा गयम येति ब'ल्य नचान,  
 केह छुन मनस, कां'सि हुन्द व्यचान ।  
 लोलुक वचुन थवना'वथस ॥  
 लगयो चयतस.....

लो'कचार गोम, जयि गिदान,  
 यावुन रुद येति, बल्य वदान ।  
 तमि विजि बु, मस जन चा'वथस ॥  
 लगयो चयतस.....

शूभिदार तिम छि, यिमन छु वैराग,  
 ला'रिथ छुखना, मो'हुक ति दाग ।  
 थचिसुय तोति, दवना'वथस ॥  
 लगयो चयतस.....

सेवा टहल सारिनुय क'रम,  
 नित्य नियम, गीता पाठ पो'रुम ।  
 पजि वति हा, टाठि लागना'वथस ॥  
 लगयो चयतस.....

बालयारु गो'णनुय हो लगय,  
 रोवमुत ज'न म्य, जा'व्युल नगय ।  
 सूक्ष्म तावु सा'त्य, तवना'वथस ॥  
 लगयो चयतस.....

आर यीतनय म्यानि दावकुय,  
 कडतम तमाह येमि भावकुय ।  
 शेहजार सा'त हा शेहला'वथस ॥  
 लगयो चयतस.....

अड रातनय आलव दिमय,  
 अस्ताननुय चान्यन नमय ।



न'म्य न'म्य तोति नमना'वथस ॥

लगयो च'यतस.....

दमदार छम चा'नी सथाह,

रुत्य कारु हावतम रुच वथा ।

ब'ल्य हो वु येति वलना'वथस ॥

लगयो च'यतस.....

वसुवास कासखना मत्यन,

मस्ता'न्य छि चामुच लोलु खत्यन ।

स'जदु हा सदाह करना'वथस ॥

लगयो च'यतस हसा' था'वथस ।०।



### न्यथ प्रभातन प्रथ सातन

न्यथ प्रभातन, प्रथ सातन,

छस करान, चोन इन्तिजार ।

यिताह साथाह, बेहत राथाह ॥

करत वो'न्य, म्योन ऐतिबार ।०।

छुमनु वो'न्य येति मन लगान,

च'ल्य च'ल्य छस दूर चलान ।

व'न्य दिचमय न'न्य पा'ठयन ॥

चालु कोताह लोलु नार ।०।

योर यिताह जांह सोर छुन कांह,

वुछतु लोलस, लगि म्य ताह ।

जांह यिहा'ख, कांह सोजुहा'न ॥

मुस च'य वनी म्योन जार ।०।



नानु वानय फीरिथय,  
वानु मा म्योन बरनु आव ।  
शान छम अख चा'नी ॥  
दान दिज्यम दर बाजार ।०।

वासनायव गाजिहा'स,  
तावनस जान ला'जिहा'स ।  
खास आसन पा'रिथय ॥  
दित म्य भवसरस तार ।०।

मायि चाने आयसय,  
दाय बूजिम का'त्याह ।  
वाय लजिसय, दावस ॥  
मेलनस आमुत म्य चार ।०।

रंग महलन हुन्द बजरा,  
हावु कस युथ ह्युव थजारा ।  
चावु चाने बीठमत्य छिय ॥  
सन्त तान्य बेशुमार ।०।

वलु वनय अज दास्तान,  
नेरि दिलुकुय अरमान ।  
फेरि श्रेह येलि चो'वापा'रय ॥  
टाठि रोजनय बरकार ।०।

चानि यिनु सा'त्य प्रव पेयि,  
म्यानिस थानस बेयि जहानस ।  
बूजुम यलि टोठ वात्यम ॥  
सुय छु म्योन सारुक सार ।०।

गम छु मनस बस यूतुय,  
प्रारुन पेयि बेयि कूतय ।



तारु वोल् दियि तार पानय ॥  
बेयि छु वो'न्य म्य क्याह बकार ।०।

करि अ'शिस म्य मालु लालो,  
हाल कुस भावी म्योन ।  
सालु यिखना अख दमाह ॥  
वुनिति ओयना म्योन आर ।०।

येति छु सोरुय प्रभाव चोनुय,  
ब'ल्य बहान गवना म्योनुय ।  
मस्ता'न्य रस लो'ग प्रोनुय ॥  
छोरनख बारम्बार ।०।

### बडि पायि लगय मायि

बडि पायि लगय मायि,  
प्रथ जायि अनुग्रह कर ।  
आयस बु बडि श्रदायि ॥  
जायि जायि अनुग्रह कर ।०।

बूजुम सु अज वाति योर,  
बरस वो'थ थोव म्य तोर ।  
लगयो चानि कृपायि ।  
प्रथ जायि अनुग्रह कर ।०।

यस आसि अथ प्यठु चोन,  
तस क्याह छु बेयि छारोन ।  
भय चलयस चानि दयायि ॥  
प्रथ जायि अनुग्रह कर ।०।



मायायि क्याह छु अन्जाम,  
तुलमुत छु तमि कोहराम ।  
थो'वथम चय पनुन सायि ॥  
प्रथ जायि अनुग्रह कर ।०।

मसा' वुछ च\_ शापन कुन,  
पापन गछि छयने ध्युन ।  
शो'द्ध छम चानि वासनायि ॥  
प्रथ जायि अनुग्रह कर ।०।

फलवाह करस लोलुन,  
चोनुय छु बोल बोलान ।  
वुछमख च\_य सरमायि ॥  
प्रथ जायि अनुग्रह कर ।०।

वन वास कस छि वनान,  
मन छुनु केह जानान,  
गारस हसा' अ'स्य चायि ।  
प्रथ जायि अनुग्रह कर ॥

छसयो बु चये प्रारान,  
पत पत हसा' लारान ।  
वुछमख हर कुनि शायि ॥  
प्रथ जायि अनुग्रह कर ।०।

शुन्यस मंजा रोजुन,  
लोलुक नाद बोजुन ।  
मस्तानि चलि त्राहि त्राहि ॥  
प्रथ जायि अनुग्रह कर ।०।





## खो'श यि करी साहिबो

खो'श यि करी साहिबो,      ती म्य करनावतु  
रुत हा करान रोजहा ।      ती म्य सो'रनावतम ।०।  
मायि मत्याह दायि चानि,      सायि म्य छु चोनय ।  
वाय ! प्रारान छसयो,      तारु, तार नावतम ।०।

लोल हा छुम चोन आमुत,  
होल मनस कासतम ।  
च\_य छुख म्योन मा'ज तु मोलुय ॥  
राज हा करनावतम ।०।

रोज साथा, भरसा' राथा,  
कथ तारय करहा'व ।  
लोल मत्या राय त्राविथ ॥  
त्रायि थावनावतम ।०।

प'कय प'कय हा थचिसय,  
बेयि कोताह छुम पकुन ।  
तार दितसा' भवसरय ॥  
मतसा' प्रारनावतम ।०।

अज च यिखना यो'र सालय,  
प्याल भरिथ मालामाल ।  
दौर त्राविथ नेरहा ॥  
वारु परजानावतम ।०।

छुम करुन क्यासा,  
धन दौवलतस तु शोहरतस ।  
अख म्य त्रावतम नजरा ॥  
पत म्य पकनावतम ।०।



दारि दारे ओ'श वो'थुम,  
चानि दादे सो'न्दरो ।  
लाबि क्याह छुम च\_य वनतम ॥  
यारु सर करनावतम ।०।

दोह लूसिथ शाम गोमो,  
गाम चोन कोताह छु दूर ।  
छो'क लद छुम दिल गोमुत ॥  
थख मत कडनावतम ।०।

वुछ म्य क'म क'म साध सन्त,  
यिम न जानान, चोन अन्त ।  
वनु क्याह छस स्य'ज तु ब'ज ॥  
तन तु मन हा नावतम ।०।

छुम न वो'न्य कांहति लूब ।  
बे'यि भूगहा'ना भूग ।  
शूभि सा'त्य शूभ्यदारो ॥  
बे'यि हा शूभरावतम ।०।

दमनय हं'ज्य छमनु फुरसत,  
कमनय सा'त्य गोहमो ।  
शमहन वो'न पो'परस ॥  
यूत मताह जालनावतम ।०।

दर्द दिलो म्यानिजुवो,  
यूर्य यित मस थाल चावथ ।  
रशक गव यारन तान्य ॥  
मस्तानि मशक लेखतम ।०।



## दाग लोगुम दामनस

दाग हा लो'गुम दामनस,  
देहिकिस हा दामनस ।  
चेय हा चा'वथस, लोलुमस ॥  
क्राव करिथ हा यावनस ।०।

जन्म कवा, ह्योन प्योम,  
छल करिथ मसा' गोम ।  
मायि मत्या, असिति लस ॥  
दाग लो'गुम दामनस ।०।

शरण तमिस छुम गछुन,  
सा'निस सो'न्दरस हय वसुन ।  
जारु पार करिम तस ॥  
दाग लो'गुम दामनस ।०।

मन येलि, गछुयम उदास,  
वो'थ ब करय अभ्यास ।  
चय सिवा ब वन कस ॥  
दाग लो'गुम दामनस ।०।

दय छु आमुत यपा'र्य,  
शेहजार प्यव चो'पा'र्य ।  
अख दर्शुन गो'छुम बस ॥  
दाग लो'गुम दामनस ।०।

शाहा'न करुम शुमार,  
पतमा यियम कालुशाहमार ।  
प्रारान छसय बेकस ।०।  
दाग लो'गुम.....



कुल्यन वृछिम गुल फो'लान,  
म्य छिय दो'ख तु दा'ध्य चलान ।  
यिन चानि दयो चलयम चास ॥  
दाग लो'गुम .....

पोशि मत्या, वारु बोज,  
दोह तारु येति रोज ।  
न्यूनम हय ह्यस तु होश ॥  
दाग लो'गुम.....

म्य ओस चोन चिकु चाव,  
हता बोज म्य मो राव ॥  
शरण गा'छिथ आगरस ॥  
दाग लो'गुम.....

दिलस करिथ पारु पार,  
चय ओयना म्योन आर ।  
तार दितम भवसरस ॥  
दाग लो'गुम.....

म्य वो'वमुत छु ज्ञानु ब्योल,  
रछान तथ रछन वो'ल ।  
दमाह सोन, घरु च वस ॥  
दाग लो'गुम.....

हतो पीरु म' कर यीरु,  
ब' रटय नाल चीरु ॥  
मस्तानि चलिना वस वसु ॥  
दाग लो'गुम दामनस ।०।





## जा'न्य वाल्या ज्ञान करनाव

जा'न्य वाल्या ज्ञान करनाव,  
यिनाह रोजि, टाठुयन गाव ।  
साहिबो मेति परजा\_नाव ॥  
यिनाह रोजि टाठुयन ।०।

जखमन करतु मरहम,  
दा'ग छि तिमन दमादम ।  
यि छु लोलकुय म्य भाव ॥  
यिनाह रोजि.....

जीव कवा दो'खदल वदान,  
सो'ख छु तस, असुनावान ।  
युहय गव मायायि प्रभाव ॥  
यिनाह रोजि.....

वन्दु चलि तु शीन छु गलान,  
दा'दि ल'द कोना छी बलान ।  
छा यिमन लो'गमुत ताव ॥  
यिनाह रोजि.....

पम्पोष सर'स, छि फलिमुत्य,  
ब'ल्य का'म्य तान्य छि छा'विमत्य ।  
साहिबो म्यति फो'लनाव ॥  
यिनाह रोजि .....

पोश\_नूलन दिच् क्रख,  
बो'थिव अभ्यासुक छु वख ।  
दम दम क्रम थवनाव ॥  
यिनाह रोजि.....



पथ कालु छुम, बूझामुत,  
जीव दीवस छु म्यूलमुत ।  
हा दयो मेति मेलनाव ॥  
यिनाह रोजि.....

सन्त स्यठाह, चूरि छिनाह,  
मेति जोल, लोलु अगनाह ।  
छस हुमान चोनुय नाव ॥  
यिनाह रोजि.....

दासी थवत म'स्ती,  
सो' बसान लोलु बस्ती ।  
तन मन आ'थ्य मंज नाव ॥  
यिनाह रोजि.....

गुण गान युस चा'न्य करान,  
सु छु भवसरस तरान ।  
तस मा, लगि जांह दाव ॥  
यिनाह रोजि.....

चानि रो'स कुस छु लेखान,  
च\_य छुख म्य लेनावान ।  
म्योन प्यव बुल्य अथ नाव ॥  
यिनाह रोजि.....

वलु सोन प्यालु भरय,  
नालस चूनि जरय ।  
मस्तानि मन वो'न्य साव ॥  
जा'न्य वाल्या ज्ञान करनाव ।०।



## म्यति ब'र्य खजानय

म्यति ! ब'र्य ब'र्य थविथ खजानय,  
तोति छस ब॒ वान॒ वानय ।

रंग रंग म्य का'त्य रंग गा'म,  
चाने हा वान॒ मय चोम ।  
चनय गयस देवानय ॥  
तोति छस ब॒ वान॒ वानय ।०।

दूर्यर म्योन छु मन्जूर ।  
क॒रथस ब॒ क्याजि मजबूर ।  
छोंडुथ च॒य कुस बहानय ॥  
तोति छस ब॒.....

बड़ि पायि, योर च॒ यिखना,  
असि निश दमाह बेहखना ।  
लोल छासा' जांह खटानय ॥  
तोति छस ब॒.....

मुच॒राव ब॒रन्यन ता'री,  
अति मासा' चलि म्योन जोर ।  
ल'ब॒ जन म्य, सो'न॒ कानय ॥  
तोति छस ब॒.....

यस लोल चोन ओसुम,  
त॒मिसा'य च॒ सा'त्य भोसुम ।  
रफाक्त सु आ'ल॒ दानय ॥  
तोति छस ब॒ ...

छ॒य॒ बान॒ छि, बान॒ भरखना,  
तसल्लाह मत्यन करखना ।



आमुत्य छि पा'छि सानुय ॥

तोति छस बु.....

तति प्रारहाय बु डेढ़ि तल,

येति नो चलान छु छल बल ।

कुरथस बु मस्तानय ॥

तोति छस बु .....

अवलय येमिस छु टोठान,

तस छुनु कांहति पोशान ।

म्यति आसि सु टोठानुय ।

तोति छस बु.....

मखमूर यारु सूर गोम,

कुसतान्य हा वति समख्योम ।

तस सीर बु भावानय ॥

तोति छस बु.....

जून डबि साल करहा'य,

मनुकी हा प्यालु भरहा'य ।

यिता बहार छावानुय ॥

तोति छस बु.....

गोमो मन म्य बेताब,

यित वुछतु क्या छुम हाल ।

मस्तानि छिय प्रारानुय ॥

तोति छस बु वानु वानय । ०।





## म्य कर बनि मिलचार

म्य कर बनि मिलचार,  
म्य छा वुनि सुल ।

म्य रोवमुत छुम करार,  
म्य छा वुनि सुल ।

च\_य करतम साक्षात्कार,  
म्य छा वुनि सुल ।

रातस जोलुम लोलु श्माह,  
करार आमना अख दमाह ।  
चोनुय छुम इन्तिजार ॥  
म्य छा वुनि सुल ।०।

बु रटहा'स भूगव,  
बन्धनव तु रूगव ।  
च\_य वोनथम यती प्रार ॥  
म्य छा वुनि सुल ।०।

बु छस दिवान नालय,  
यि किथाह लोल पालय ।  
बुछुम चोन दरबार ॥  
म्य छा वुनि सुल ।०।

चारिथ थ'विमय लोलु पोश,  
चारान चारान रोवुम होश ।  
दिहमना च\_ तारस तार ॥  
म्य छा वुनि सुल ।०।

हतो पीरु ! गयस गीर,  
वनतम लोलस छा ता'सीर ।



चालान छस लोलु नार ॥

म्य छा वुनि सुल ॥०॥

ग्यवान रुझास चा'न्य गीत,

नवान रुद म्योन संगीत ।

दवान दवान यितु यारु ॥

म्य छा वुनि सुल ॥०॥

म्य क्याह करन बा'य बन्द,

यिमत न्यायन कत्य अन्द ।

छावान रोजा चोन बहार ॥

म्य छा वुनि सुल ॥०॥

बु धारय हा स'न्यास,

बेयि त्रावहा', यतिच आस ।

रटुन पजिहेम म्य गार ॥

म्य छा वुनि सुल ॥०॥

नारस अन्दर छुम नचुन,

सुय गव दय सुन्द वचुन ।

दिलस करिथ पारु पार ॥

म्य छा वुनि सुल ॥०॥

वैराग जामु वलिथय,

येतिक दो'ख चलिथय ।

बु गंडहा मो'खतहार ॥

म्य छा वुनि सुल ॥०॥

चु\_ बोझखना म्या'न्य नाद,

मन हा गछिहेम शाद ।

मस्तानि चलि येतिच लार ॥

म्य छा वुनि सुल ॥०॥





## पीरु चय गो'यना कनन

पीरु चय गो'यना कनन,  
म्य गामुच छि यत्य वनन ।  
यस छु गनन, तस छु बनन ॥  
पीरु चय गो'यना.....

यिवान यलि चय म्योन आर,  
तेली वुछ म्य चोन बहार ।  
पूरु कार करिथ अनन ॥  
पीरु चय गो'यना.....

करुन ओसुम, चोन दीदार,  
ब'ल्य छुम रटान, थपि संसार ।  
मायि सा'त्य छु, मन प्रनन ॥  
पीरु चय गो'यना.....

करान रुजस ब रत्यकार,  
पत मा छुम कांह ब'कार ।  
मन जन आमुत छुय तवनु ॥  
पीरु चय गो'यना.....

म्य छुम आमुत चोन लोल,  
लोलु मत्या कास म्य होल ।  
चोन अनुग्रह छुम बनन ॥  
पीरु चय गो'यना.....

लागय बयल तु मादल,  
बेहमय चानि डेढ़ि तल ।  
हवन छुम मनस सनन ॥  
पीरु चय गो'यना.....



रंगु म'हलन करिथ साल,  
मय छुम त'ति मालामाल ।  
प्रा'र्य प्रा'र्य छसय छु\_यनन ॥  
पीरु चय गो'यना.....

वानस ध्युतुम हा फालव,  
टाठयव को'रहा'म आलव ।  
पारु करिनम भक्ति धनन ॥  
पीरु चय गो'यना.....

म्यानि वारि पोश फा'ली,  
सा'री दो'ख त दा'ध्य ग'ली ।  
म्योन प्रणाम छु सन्त ज्ञानन ॥  
पीरु चय गो'यना.....

ध्यान धोरमुत छुमय,  
प्राण वथरा'विमत्य छिमय ।  
कनन मंज छुम ओमय हनन ॥  
पीरु चय गो'यना.....

रंग तु रूप वुछिथ चोन,  
मन प्रंग गरिथ थ'व्योम ।  
दामनस छसय लमन ॥  
पीरु चय गो'यना.....

मस्ता'न्य छनु उदास,  
तस छु भासान चोनुय भास ।  
कार छुहम जमाह अनन ॥  
पीरु चय गो'यना कनन ।०।





## दिह क्रंजि यलि, लोल् चोंग

दिय क्रेंजि यलि, लोल् चोंग बनोवुम,  
तथ मन ज़ोलुम प्राणुक दीप ।  
हनि हनि मनसाराम मारनोवुम ॥  
अद् पत् प्रोवुम, दय दरबार ।०।

लो'ति पा'ठ्य "लाल्" मनि मंज ललनोवुम,  
कांसि नसा' हा'वम, सो'य मीठ दग ।  
मन पनुन अमृन वोन्य यलि चोवुम ॥  
अद् पत् प्रोवुम, परम दरबार ।०।

ज़ेरि जेरि धर्मचि हेरि मन खोरुम,  
दहन द्वारन हंजा ज्ञान कुरनम ।  
शतदल् मंज आत्म दीव परज्ञानोवुम ॥  
अद् पत् प्रोवुम.....

गो'डु यलि इन्द्रियन चोब दिवनोवुम,  
पत् सूक्ष्म तारि सा'त्य, गंड को'रमख ।  
ज्ञान गंगायि मंज श्रान करनोवुम ॥  
अद् पत् प्रोवुम . . . .

चानि दयायि सा'त्य, मन तारु तरनोवुम,  
आवल'न्य यीतन, लछ तु करोर ।  
दो'छि दो'छि, मन जन मछि माज ख्योवम ॥  
अद् पत् प्रोवुम,.....

अस्तानन मंज, मस्तान् छो'रुम,  
तति वुछमख गा'मच कुनी वनन ।  
ह्योन्द तु मुसलमान, व्योन मसा' चोख्य ॥  
अद् पत् प्रोवुम.....



रातस वाति यूर्य ती म्य ध्यान धोरुम,  
यच् कालु प्यठु छसय इन्तिजार करान ।  
चानि मायि मन रामु राम परनोवुम ॥  
अदु पतु प्रोवुम.....

सूरुमत्या सूर पानस करुनोवुम,  
हरगाह संसारन वजिम'च छनस ।  
गो'रु शब्द कनन मंज़ा सु बोलनोवुम ॥  
अदु पतु प्रोवुम....

ममतायि लंका येलि स, जालनोवुम,  
तेलि गयम ज्ञान असलचि घरची ।  
परमेश्वर ईश्वर वति थोवुम ॥  
अदु पतु प्रोवुम.....

टा'ठुयन सारिनुय, खबर करनोवुम,  
अ'स्य आ'स्य गा'मत्य, मत्य तु फलवाह ।  
विजि विजि मनु मो'त, जोरु सान नोवुम ॥  
अदु पतु प्रोवुम.....

संसार यलि थप त्रावुनोवुम,  
शायद त'थ्य वनान वैराग भाव ।  
त्याग सौदाह घरि घरि हा'वनोवुम ॥  
अदु पतु प्रोवुम .....

मखमूर साहिब तनि कडनोवुम,  
चूरु चूरु करुम अभिमानस ।  
दिह भाव हा वो'न्य मुशरोवुम ॥  
अदु पतु प्रोवुम.....

बागस पननिस, गुलाब फो'लनोवुम,  
वुछमस दिवान, मुश्क अंबार ।



नागस मंज आगु वा'नि कडनोवुम ॥

अद पतु प्रोवुम.....

चन्दनकिस मन्दरस, लालु बेहनोवुम,

साल को'रमस बेयि प्यालु भरिमस ।

वैराग भाव ह्यथ संसार पोलुम ॥

अद पतु प्रोवुम.....

चोन गीत यलि, मन ग्यवनोवुम,

तेलि गयि लय, पयस सा'त्य ।

मस्तानि चोनुय, लोलाह छोवुम ॥

अद पतु प्रोवुम, परम दरबार ।०।



### दया कुरनम टा'ठ्य दयन

दया कुरनम, टा'ठ्य दयन,

तु वनय क्याह ।

साहिबो, म्य चोन, लोल तु प्रेयम ॥

तु वनय क्याह ।०।

म्य छुय रातस दोहस सुय याद प्यवान,

मन छुम ता'म्यसंध्य गीतय ग्यवान ।

यि कथ मासा' खबर छि बेयन ॥

तु वनय क्याह ।०।

मस प्यालु भरिमस, म्य लोलु सान,

वनतु, युहय मा, गछन्य गयि ज्ञान ।

मन फो'लरोवुम चानि लयन ॥

तु वनय क्याह ।०।



मनि मजालिस मंज करय गूर गूर,  
 ध्यव प्येयम दिलस मनस हा नूर ।  
 व्यसरा'वमच छस कालु भयन ॥  
 तु वनय क्याह ।०।

सनि खो'तु सो'न छुम सो'दरा खनुन,  
 तति गछि दयभाव, बस नवुन ।  
 टोठ गछि छारुन लोलु नयन ॥  
 तु वनय क्याह ....

जीव छु दीवस मंज यिथकन्य,  
 ओ'ब्र लंगन तल छु रूद तिथ कन्य ।  
 अन्तर मनस, तसुन्द शयन ॥  
 तु वनय क्याह ।०।

रातस ओसुम शमाह जोलमुत,  
 नाव चोन हा, हनि हनि पोलमुत ।  
 सातस यिताह, च\_ वुछ तनय ॥  
 तु वनय क्याह ।०।

प्रकाश वुछुम तु भास्योम च\_ अख दमाह,  
 मन चय गंडिही मालु, छुम तमाह ।  
 सनु को'रनम दय सनन ॥  
 तु वनय क्याह ।०।

तारु तार करिथ, दिलुच तार,  
 वारु वारु बोजखना च\_ यारु ।  
 तम्बला'वनस चा'न्य रोयन ॥  
 तु वनय क्याह ।०।

सो'रगु प्यठय अ'छ र'छ मंगनावहय,  
 जूनु डबि जूल करनावहा'य ।  
 सीर छुनु आसान मंज सो'यन ॥  
 तु वनय क्याह ।०।



मस्तानि वुछ आलम मस्ती हुन्द,  
तमि हा लोलु जार करतान्य ग्युन्द ।  
क्रय ज्ञान करान दोह क्रयन ॥  
तु वनय क्याह ।०।

दयाह कुरनम टा'ठुय दयन ।  
तु वनय क्याह ।०।



## पीरु अशिस लजिम धार

पीरु अशिस, लजिम धार,  
यीर मसा' गच्छि संसार ।  
दिलस गयम, तारु तार ॥  
पीरु अशिस .....

यिना सहलाब, यियम जांह,  
फरिथ गछय बेपरवाह ।  
यिनाह कांह, कर्यम लार ॥  
पीरु अशिस .....

दो'ख तु दा'दि, करि दूर,  
मन बन्यम हा, मन्सूर ।  
जमाह अनत, तमाह कास ॥  
पीरु अशिस .....

यि गव चोरुय, दूर गोमुत,  
जाखुमन छुम, नून प्योमुत ।  
कांह ना यियि यो'त बारम्बार ॥  
पीरु अशिस .....



बु कमिस छस प्रारान,  
म्यति मा कांह छारान ।  
करिथ युस गोम, उपकार ॥  
पीरु अशिस.....

गो'रव ध्युत सुली वरदान,  
म्य बनेयी, आत्म ज्ञान ।  
तेली छ\_योनुम अन्धकार ॥  
पीरु अशिस.....

म्यच\_य गयम, म्यच हा छस,  
म्यची सा'त्य गोमो चस ।  
दयस सा'त्य ग्युन्द म्य जार ।  
पीरु अशिस.....

यि सीर कुसहा भावी,  
तरुन छु पननि नावे ।  
गरुन तस क्युथ मो'ख्तहार ।  
पीरु अशिस .....

महल छि येति त्राव'न्य,  
सीर गुछिना, कांसि भावनुय ।  
दान् दान् पोष चार ॥  
पीरु अशिस .....

वांस च\_य छय लछ करोर,  
बु बेहय तति च\_यितु योर ।  
म्य छुख वो'न्य च\_य बकार ॥  
परि अशिस.....

सबर युस करि जीव,  
त'मिस नजरि गछान दीव ।  
बोर भासान छूम, बारु ॥  
पीरु अशिस.....



येलि साहिब यियम योर,  
 तेली करन नु लूक शोर ।  
 मस्तानि हुन्द, ह्यथ करार ॥  
 पीरु अशिस लजिम धार ।०।



## वन त् तस हरस्य

वन तु तस हरस्य,  
 अ'छि लजि दरस्य ।  
 म'च छस चानि दादि, अरुसर करान ॥  
 यति क्याह करस्य,  
 न्यथ मरु मरुस्य ।  
 टा'ठय छिस घरि घरि, अरुसर करान ॥

वातुनावत म्य अपरो, च भवसरस्य,  
 योर मासा' कांह रोजन्य आव ।  
 सरु को'रम्य पान, मंज लोलु सरस्य ॥  
 हरस्य करहा पोशि पूजाह ।०।

क्याह छुम करुन यथ अपजिस घरस्य,  
 छा सोर अजतान्य, कांसि द्रामुत ।  
 च य यति प्रारान, फो'लवनिहा तरस्य ॥  
 हरस्य करहा .....

अबसोवुम फंब प्रारान व वरस्य,  
 द'न गछि दिन्य, करिथ कुनी तार,  
 तारु वोल तार्यम, गो'रु मन्थर व परस्य ।  
 हरस्य करहा .....

मेलिहे तु प्रछहा, तस दिगम्बरस्य,  
 मायायि मंज क्याजि फ'दरा'वथस ।



आ'रत्य छिय आमत्य, तोर वो'थ थाव बरसुय ॥

हरसुय करहा .....

व'न्य मनि, मंज आम, मगर बुछ म्य च'राच'रसुय,  
अ'मिस्य मा वो'नुख म्योन मस्तानु ।

वानु वानु फीरिथ, पो'ज बानु म्योन बरसुय ॥

हरसुय करहा .....

तूफान वो'थ म्य, क्याजि मनु मन्दरसय,

अथ मंज, ममतायि वास मा कोर ।

तन्हा प्रारेयस बु मोक्षकिस बरसुय ॥

हरसुय करहा .....

दोह अकि प्रछयोम म्य, पननिस गो'रुसुय,

यूगियन यूग किथ का'न्य स्यद गव ।

दो'पनम अशि सा'त्य, गो'डु दि शकरसुय ॥

हरसुय करहा .....

करु क्याह लोलुकिस, यथ मशवरसुय,

युस न करार, दिवान म्य दोह तु रात ।

क'छ छिम गा'मत्य यति लछु करसुय ॥

हरसुय करहा .....

करु क्याह वो'न्य, मनकिस व्यसमरसुय,

कोताह रात ध्यन समझोवुन ।

ज्ञान व्योल नेरिहेम सा'त्य चाने भय डरसुय ॥

हरसुय करहा .....

मस्ता'न्य छि जारु पार करान ईश्वरसुय,

मो'कलावतम यमि कलि कालय ।

मालु करनावतम सा'त्य विश्वेश्वरसुय ॥

टा'ठुय छिय घरि घरि, अरुसर करान । ० ।





## अर्ध रा'च आमृत छुम

अर्ध रा'च, आमृत छुम यि व्यचार,  
कांह मा अलगा'ब, दियि म्य तति तार ।

प्रारान छसयो, रटिथ मन तु प्राण,  
अकि दो'ह पानय सु करि कल्याण ।  
अ'शि चा'लि मा, म्यानि ओ'नय आर ॥  
कांह मा, अलगा'ब.....

भरिथय नजरि गा'म लोल खजानु,  
दुरदान चूरि पा'ठय छस वु प्रारान ।  
अमि पतु वननस थो'वथम नु वार ॥  
कांह मा, अलगा'ब.....

वनि आख मनि मंज म्य मस्तानो,  
ठहराव को'रुम, गयम चा'न्य जानो ।  
थप्प दिचमय, दामानस, बडि द्वारु ॥  
कांह मा अलगा'ब ....

वनत यूत छा अशकु नारस जोर,  
रिन्द बाजा तान्य, गामत्य छि कमजोर ।  
दो'द वालिज गयम हा, तारु तार ॥  
कांह मा अलगा'ब .....

जांह का'ल्य यलि सु मेलनि द्रामुत,  
ओ'ब्र तलु सिर्य जान द्रेंठ आमृत ।  
सूजथम मा सुय ह्यथ म्य करार ॥  
कांह मा अलगा'ब .....

बेशक दिह कुल, गोमुत छु खस्त,  
बुछसा' फुलया तोति छस बरबस्त ।



चानि लोलुक, वुनिति छुस बहार ।  
कांह मा अलगा'ब.....

रातस तारकन, ग्रन्द छस करान,  
बेहोश गच्छियु, म्य गाश छुम फो'लान ।  
अन्ध वातनाविहेम तु बनि दीदार ॥  
कांह मा अलगा'ब.....

मनि मंजालिस रो'नि जरनावय,  
जूनि डबि, प्राणु जूल करनावय ,  
तमि पतु मेलिहेम, बोनि शेहजार ॥  
कांह मा अलगा'ब.....

पीरन, वथ हा'व म्य, चानि वतनुची,  
सीरन, गयि माहिर फंव कतनुच ।  
गीर गव कामिल, वातुन छुम पार ॥  
कांह मा अलगा'ब .....

फुटिमतिस दिलसुय अन्दर च\_ बेह,  
यछ भुरिमत्यन करत अनुग्रह ।  
वनहा तमिसुय दिलुकी जार ॥  
कांह मा अलगा'ब.....

चारु करिथ वादन पूरु करबा,  
कुनि विजि छेपि चूरि योर बरबा ।  
मस्ता'न्य छारी बारम्बार ॥  
कांह मा अलगा'ब दियि म्य तति तार ।०।





## सास भास्कर छुख च्

सास भास्कर, छुख च् म्योनुय,  
खास आसरु म्य छु चोनुय ।  
लगयो म्य दिजि, दर्शोनुय ॥  
लगयो म्य दिजि.....

म्यानि बुजरुक यीतनय जारु जारु,  
बेयि कासतम येत्युक मरु मरु ।  
बदला'विथ छ'न कम लोनुय ॥  
लगयो म्य दिजि... ..

दरबार चोन वुछ म्य शोलान,  
दीवता तान्य आ'स्य डोलान ।  
मायि सानि युन प्योय सोनुय ॥  
लगयो म्य दिजि.....

म्यानि नावि हुन्द छुख पतवार,  
च् य प्यठ को'रुय म्य एतिवार ।  
कासतम काच् जूनि गो'हये ॥  
लगयो म्य दिजि.....

शर छुम, जल घरु व वातहा,  
थक डेढि तल, चानि कडहा' ।  
तति छुम प्रभाव, वछुन प्रोनुय ॥  
लगयो म्य दिजि.....

यछि प्रछि आयस च् य शरण,  
प्येम् च् दयसुय, छस परन ।  
रुत हा गो'छ पानु हावुनय ॥  
लगयो म्य दिजि.....



मो'ल करिजि च॒ म्यानिस लोलुस,  
 पर॒ यिनाह प्यमय ब॒ तोलस ।  
 मुक्ति द्वार छुम प्रावनुय ॥  
 लगयो म्य दिजि.....

दो'हस म्य को'र, यत्युक व्यवहार,  
 रातस छस करान इन्तिजार ।  
 सा'त्य सा'त्य छुम सु छारनुय ॥  
 लगयो म्य दिजि ....

तोरय दिज्यम मन्जूरी,  
 लोलुस छमहा मजबूरी ।  
 च॒रि गछि सु सीरहा थावुनुय ॥  
 लगयो म्य दिजि.....

वरिहेम त॒ करहा'स ब॒ जार॒ जार,  
 प्रछहा'स, च॒य ओयना जांह ति आर ।  
 वार छुमना, बार प्योम चालुनुय ॥  
 लगयो म्य दिजि.....

क्रख गयि जहानस त॒ आलमस,  
 मस्ता'न्य मस चथ गयि मस ।  
 तस प्यव हालि दिल मानुनुय ॥  
 सास भास्कर छुख च॒ म्योनुय ।०।





## भक्तन हय भा'गरावान

भक्तन हय भा'गरावान,  
अथ मय, थकान च॒य मा'जय ।  
येछि पछि, घरि ब॒ द्रायस ॥  
च॒ये कुन पकान मा'जय ।०।

वनतय यि छा शायान,  
पननी म्य तीर लायान ।  
दा'ध्य दो'ख छसयय खटान ॥  
व'निथ॒य थकान ब॒ मा'जय ।०।

असि प्यठ च॒ अनुग्रह क'र,  
यिथ का'न्य म' लाय खंजर ।  
प्येमुच॒ ब॒ छस म्य कडि शर ॥  
रुसवाह गछान ब॒ मा'जय ।०।

बूजुम च॒ छख दयावान,  
दासन दि पानु वरदान ।  
का'चाह म्य छय चा'न्य शान ॥  
बोजतय, तरान मा'जय ।०,

वल॒ यूय करय ब॒ गूरय,  
मत्त॒ गा'छत जांह च॒ दूरय ।  
किथ दा'ध्य पनुन्य पूरय ॥  
यी छस सो'रान मा'जय ।०।

रहबर च॒ म्या'न्य छखनाह,  
आलव ति बोझाखनाह ।  
कथ तारु च॒य करखनाह ॥  
चोन छस बरान मा'जय ।०।



जामन बू चाख दिमनाह,  
पामन बू ला'जथस नाह ।  
आमन ति गयि खबराह ॥  
जाप छस छरान मा'जय ।०।

कोताह बू करु सबराह,  
छु'निथम म्य लोलु सबराह ।  
यिन जांह गछय गुमराह ॥  
थो'द छस खसान मा'जय ।०।

बोजतय चू म्योन नादाह,  
चूय रो'स बू छसन शादाह ।  
पानय म्य हावतय राह ॥  
वति छस डलान मा'जय ।०।

घरु बार तु आसुन बसुन,  
केंह नय म्य, टोठ चूय रो'स छुम ।  
चूय निश म्य वातुन छुम ॥  
दोरान दवान मा'जय ।०।

कननुय चूय छय, कनु वालि,  
कांह मा द्राव, यति खा'ल्य ।  
फेरान बू छस बा'ल्य बा'ल्य ॥  
मस्ता'न्य बलान छि मा'जय ।०।





## संसार त्राविथ यति हसा'

संसार त्राविथ, यति हसा',  
अद् ज्ञान गयम, च'ये सा'त्य हसा' ।  
सूक्ष्म भाव प्राविथ हसा' ॥  
पहचान गयम च'ये सा'त्य ।०।

कुस आसिहा, टोठ अखाह,  
मंज रा'च दियम, लोल कखाह ।  
साधनायि मंज बिहिथ हसा' ॥  
मन प्राण गयम, च'ये सा'त्य ।०।

चन्द छैन्य वु द्रामुच मन्दरस,  
मन्दुछिथ खटिथ तय बेहसय ।  
वो'न्द साफ करिथुय हसा' ॥  
जांह हो म्य प्रोव, च'ये सा'त्य हसा' ।०।

करुनावि तरनुक, छुम म्य शर,  
आत्म ज्ञान गछिमो, दिम म्य वर ।  
गलती सरासर छम हसा' ॥  
वान वाहरोव म्य च'ये सा'त्य हसा' ।०।

वुछ गाश तारुक, खो'त हबा,  
मनु कुय गुबार, वो'न्य वो'थ म'बा ।  
मनु मो'त म्योन, लोल हो'त हसा' ॥  
ध्यान हो म्य थो'व च'ये सा'त्य हसा' ।०।

क्षण मात्रस अन्दर हसा',  
वुछमय म्य श्याम सो'न्दर हसा' ।  
ओसुय म्य चोन, आसर हसा' ॥  
शान हा म्य छय, च'ये सा'त्य हसा' ।०।



म्य केंहना, चोन सोरुय हसा'  
त्रावान तवय बू दोरुय हसा' ।  
मुचराव बरस, तोरुय हसा' ॥  
लोल दान् म्य म्यूल च़ेय सा'त्य हसा' ।०।

संसार वुछुम छोट चादरा,  
अथ किथ वाहराव बति खो'राह ।  
कथ प्यठ वो'न्य थव बति वसाह ॥  
यारान छुम च़ेय सा'त्य हसा' ।०।

अलगा'ब चायस, मयखानस,  
मस प्यालु भर्य भर्य वुछमस ।  
चनय गयस बेह्यसय हसा' ॥  
दुरदान् च़ेय सा'त्य ।०।

मन क्याजि गोमुत छुय उदास,  
चान्यन टाठयन हन्जा बू दास ।  
लगयो करतो यतो वास ॥  
जानान् च़ेय सा'त्य हसा'

पारु पार क'र्य म्य लोलन चा'न्य,  
वारु वारु बोजतो जार म्या'न्य ।  
मस्तानि गयि चानि छायि हसा' ॥  
मस्ता'न्य छय च़ेय सा'त्य हसा' ।०।





## भास्योम कृष्ण हसा' छुम फेरान

भास्योम श्याम सो'न्दर छु फेरान,  
राधायि छारन्य ओ'स नेरान ।  
बति छसय, गारस मंज प्रारान ॥  
भास्योम श्याम सो'न्दर.....

प्रथ विजि आ'सुस यी सो'रान,  
बति आसहा' राधा हिश बनान ।  
कृष्ण कृष्ण रोज़हय हर दम जपान ॥  
भास्योम श्याम सो'न्दर... ..

म्य छि चा'नी द्रुय हताह मस्तान्,  
दूरय चा'लिथ छसनो ह्यकान ।  
तन मन धन, सोरुय छुम मशान ॥  
भास्योम श्याम सो'न्दर.....

खबरा आसिहेम, तोरु वातान,  
मत्यन निश आसहा'ख जांह यिवान ।  
तिम हा छिय दारि दारि ओ'श त्रावान ॥  
भास्योम श्याम सो'न्दर.....

लूकव बा'ल्य कुरहा'स बदनाम,  
हा मत्यो कोत गोमुत म्य आराम ।  
तिमति मसा' छिम कांसि बखचान ॥  
भास्योम श्याम सो'न्दर.....

वनहा'य स्यठाह काल गोम प्रारान,  
छा'रिथ मस्तान् च़ेय छारान ।  
यारस छासा' जांह आर यिवान ॥  
भास्योम श्याम सो'न्दर.....



सन्ताह म्य नजदीक रोज्ञान,  
जार वननि छसयो वु गछान ।  
मन छुम यति क्याजि दिवान ॥  
भास्योम श्याम सो'न्दर .....

हा मनु कुनि आसता ठहरान,  
वुछ सु पानय मा छु यारान ।  
घरि घरि म्य छियना ब्रांत्य गछान ॥  
भास्योम श्याम सो'न्दर .....

अकि दोह तमिसुय वु मेलान,  
अख दोह फुरसत छसन दिवान ।  
तिस दिल ओसुम पतु दवान ॥  
भास्योम श्याम सो'न्दर .....

बो'द वारि दो'द्ध चूरि मसा' आस खटान,  
बहा छस लोलु वान यति वटान ।  
यिखना वु छसयो डोलान ॥  
भास्यो'म श्याम सो'न्दर .....

चय हसा' छिय टा'ठुय यति प्रारान,  
वारु वुछत लोलु पोश चारान ।  
मास्ता'न्य छि सो'न्दरस जागान ॥  
भास्योम श्याम सो'न्दर छु फेरान ।७।





## हंग त् मंगय म्य क्याह गव

हंग त् मंगय म्य क्याह गव,  
यि कुस टोठ म्य फरिथ गव ।

सहज छुनु अथ वति पकुन,  
न छु लोसुन नय थकुन ।  
तस ति मा कांह याद प्यव ॥  
हंग त् मंगय म्य.....

अर्ध रा'च् चा'न्य आवाज,  
कनन गोम लोलु साज ।  
कुस म्य वनान वो'थी दव ॥  
हंग त् मंगय म्य.....

भजे वति सु म्यूलुम,  
चेय सा'त्य कुसू रिश्त छुम ।  
मन् म्यानि तमुन्द भजन ग्यव ॥  
हंग त् मंगय म्य.....

दिल ओस म्योन लोलु हो'त,  
ज्यादु पाहनत गोमुत मो'त ।  
प्र\_छतस ग्राव कसू छव ॥  
हंग त् मंगय म्य.....

युथ ह्युव वछुम यारान्,  
सन् लगिथ तमिस प्रारान ।  
घरुबारस कुरम लव ॥  
हंग त् मंगय, म्य.....

दिल म्योन, कांह छा'र्यतोन,  
रोवमुत छु, कुनि ला'बितोन ।



मनु वनय क्याह, सु छुय रव ॥

हंग तु मंगय म्य.....

बु कस वनय पनुन हाल,

कुसू थवि म्योन खयाल ।

यि कमिसुन्द छुम परतव ॥

हंग तु मंगय म्य.....

लोल छा यूत जोरवर,

दिल ह्यथ चो'लुम दिलबर ।

सीर भाविथ, असिति गव ॥

हंग तु मंगय म्य.....

गो'रु म्यानि लगय यितम योर,

कायायि वो'न्य कति रूद जोर ।

अज सनुमो'ख सु प्रकट गव ॥

हंग तु मंगय म्य.....

साहिब ओसुम हो आमुत,

फुट कडिथ मेति द्रामुत ।

दो'पनम लोलु सा'त्य पानु तव ॥

हंग तु मंगय म्य.....

शायन छसय रटिथ बति,

द'हन द्वारन खसिथ छिय ।

मस्ता'न्य फेरान छखय थव ॥

हंग तु मंगय म्य क्याह गव ।०।





## गो'र देव् लगय चानि खावि

गो'रु देव लगय, चानि खावि,  
म्य कुस हावि चा'न्य वथ ।  
प्रारान छसय तचि तावि ॥  
म्य कुस हावि सतच वथ ।०।

शिष्य छिय चा'निस सायस तल,  
चूरि चो'लुख करिथ छल ।  
वनत ! मत्यन कुस समझावि ॥  
म्य कुस हावि चा'न्य वथ ।०।

तिथ्य ह्यिव्य ति छियव, चा'न्य टा'ठय,  
यिमहा लोलु तारि वाटि ।  
तिमन कुस अथ प्यठ थावि ॥  
म्य कुस हावि.....

तिम छिय शेछि हा सोजान,  
कोनु छुहख चय बोजान ।  
बेयि तिमन कुस परजुनावि ॥  
म्य कुस हावि.....

म्य ओस चोनुय अमार,  
तवय भासान, छस बेमार ।  
मन म्योन चय रो'स कुस नावि ॥  
म्य कुस हावि.....

दूर चोलुख परम दाध,  
असि छुय रोवमुत आराम ।  
तसल्लाह मत्यन कुस ध्यावि ॥  
म्य कुस हावि.....



बू छस चा'न्य फकीर,  
चये मा ल्यूखुत म्योन तकदीर ।  
खबर क्याह समय केशनावि ॥  
म्य कुस हावि.. ...

हतो यठि बूजुम नाद,  
मा'त्य छि करान फरियाद ।  
मशित गोम त चयतस पावि ॥  
म्य कुस हावि.....

सखर करिथ नेरहा'ख,  
त्रण भवनन फेरहा'ख ।  
चय माह जांह ति मन त्रावि ॥  
म्य कुस हावि.....

मत्यन चो'लुक ह्यथ च\_ दिल,  
स्यठाह गोख हा मुश्किल ।  
जरूर साल म्य, करनावि ॥  
म्य कुस हावि.....

छु मस्तानि सु मेहरबान,  
करनाविथ गोस सूक्ष्म ज्ञान ।  
तवय लोल हसा' ललुनावि ॥  
म्य कुस हावि चा'न्न वथ ।०।





## वा'र्य वाति ता'र छा लगान

वा'र्य वाति, ता'र छा लगान मरनस,  
थरु थरु छम अचान, तोर तरनस ।

जान आसिहेम, वृछहा कर्म लोन,  
अथ मंज छा, कनि दय नाव चोन ।  
नत क्याह करव, लेखनस तु परनस ॥  
थरु थरु छम.....

पजि किन्य छुम, वैराग भाव,  
छो'कलद दिलस, लो'गमुत ताव ।  
बुल्य मा लजिस, चोन संज करनस ॥  
थरु थरु छम.....

बलु वनय, अज प'ज दास्तान,  
पूजायि म्यानि बनोवुख महान ।  
चेर हो गोम, म्यति तति वरनस ॥  
थरु थरु छम.....

हा मत्यो, दिल म्योन छु चोन अस्तान,  
ता'थ्य मंज छुहम वनि धीवान ।  
मो'त मन लो'ग, चोन नाव सो'रनस ॥  
थरु थरु छम.....

चमनस म्या'निस फुलया ल'जि,  
मान अभिमानचि हांकलु ग'जि ।  
सावधान छस, यति मन दरनस ॥  
थरु थरु छम.....

तलवारि धार हिश, छम हसा' वथ,  
छस सो'रान चोन नाव, छम सो'य सथ ।



खो'श गछवा म्यानिस म'त्य वरनस ॥

थरु थरु छम .....

पारु पार को'रनम अ'म्य यारन,

बरतल बेकस छस प्रारन ।

कूत छुम प्रारन, मन गरनस ॥

थरु थरु छम.....

बुछत लोल छा खटान चूरि थाविथ,

वनत ध्यान छा हटान, ठहरा'विथ ।

खोचान वृ पोशन, कां'ड कडनस ॥

थरु थरु छम.....

वनत कुस छुय चय, कडान कल,

तव किन्य छुख करान म्य सा'त्य छल ।

करत दयाह, वो'न्य म्य, माया हरनस ॥

थरु थरु छम ...

कालु घृटि निश मा बचव कांह अख,

सारिनय मो'कलावनि वा'र्य छख ॥

तोति क्याजि, छि लगान, घर भरनस ।

थरु थरु छम .....

मस्तानि ओस, सोरुय जोनुमुत,

चानि रो'स कांह मासा' छुन मोनमुत ।

थप्प कुरम'च छन गो'रु दामनस ॥

थरु थरु छम अचान तारु तरनस ।०।





## इशार् को'रनम चू'रि पा'ठ्य यारन

इशार् को'रनम, चू'रि पा'ठ्य यारन,  
तनु प्यठु प्रारन, छस फल्लवाह ।  
यनु प्यठु लजिसय, सन्त दरबारन ॥  
तनु प्यठु छारन, छस फल्लवाह । ०।

वाठ लो'गमुत छुम, मनचन तारन,  
शायद अ'थ्य वनान, वैराग भाव ।  
वो'न्य मताह लागतम, नश्वर कारन ॥  
तनु प्यठु प्रारन.....

देवान कुरनस, चा'न्य दीदारन,  
हरदम रोजातम साहिबो यती ।  
दिल गोमुत छुम सा'त्य दिलदारस ॥  
तनु प्यठु प्रारन.....

बन्द छस कुरमच, चा'न्य अमारन,  
अन्द वातनावतम हा मत्यो ।  
रूठमत्य मत्यो वनतम कारण ॥  
तनु प्यठु प्रारन.....

च'ेय पत पतय छसयो लाख,  
यारान ओसुम प्रोनुय मत्यो ।  
कसतान्य क्युथ छस, बोर यति सारन ॥  
तनु प्यठु प्रारन .....

बनेसय फकीर, तु चायस गारन,  
तति हो छस, वुछान शाहान ।  
जा'जिमच छनस चा'न्य लोलु नारन ॥  
तनु प्यठु प्रारन.....



मस्तान् छो'रमख हसा' परम द्वारन,  
तारस तरनस हो प्रारतम ।  
अथरो'ट करिथय, सु आस्यम तारन ॥  
तन् प्यठु प्रारन .....

व'न्य दिचमय, च'ये पोशि वारन,  
रंगु रंग पोशन मंज व'न्य आम ।  
ब'हा छस प्रारान नव बहारन ॥  
तन् प्यठु प्रारन.. ....

नजरु त्रावुम यतिक्यन सहारन,  
यिम दूर द्रामत्य छिय असि निश ।  
व्यस्तार आमो, यिथक्यन सहारन ॥  
तन् प्यठु प्रारन.....

भ्येहसा' गिधव, यति लोलु ध्यारन,  
अथ मंज हार जीत च'ये तामथ ।  
कर क्याह लगयो, अपज्यन ध्यारन ॥  
तन् प्यठु प्रारन.....

दलु कृडमच छनस चा'न्य संसारन,  
वल योर म्यनिश बेहतो दमाह ।  
सोरुय छु चानि नजरि सा'त्य पा'रन ॥  
तन् प्यठु प्रारन.. ....

मस्ता'न्य छय अस्तानन लारन,  
तति आ'स वुछान साहिबे नूर ।  
पा'र्य पा'र्य छि लगान, चान्यन प्यारन ॥  
तन् प्यठु प्रारन, गयस फल्लवाह ।०।



## हय वलय, हय वलय

हय वलय, हय वलय,  
म्य छि द्रामच कलय ।  
राधायि च\_ यित योर,  
मगर कृष्ण जुव ह्यथ चलय ॥

यनय तमि सूज म्य शेछ,  
तनय गा'डनम लयी ।  
मन गोम फल्लवाह ॥  
वनत किथ का'न्य बलय ।०।  
हय वलय, हय वलय . . .

गो'रुन क'रनम दया,  
नतु कति जानु क्रयाह ।  
हनि हनि समयन ॥  
करमुच छस नलय ।०।  
हय वलय, हय वलय .....

लोलुमत्य को'र म्य सूर,  
वनतु म्य, क्याह कसूर ।  
च\_य छख म्योन, कनुदूर ॥  
तवय गा'जथस च\_यलय ।०।  
हय वलय, हय वलय.....

मो'त यलि समख्योम,  
तवय तो'त गछुन प्योम ।  
मस म्य चाविथ गोम ॥  
म्य केह हाविथ गछ तलय ।०।  
हय वलय, हय वलय.....



श्महन यमिस, होव पान,  
 पोंपुर छा पतु, खटान ।  
 यि कुस कजुल सूजाथम ॥  
 अ'छन लजिम ज्ञन सलय ।०।  
 हय वलय, हय वलय.....

तवय आयस ब॒ योर,  
 सु हय वुछुम, मायि लोर ।  
 बरस थोवुम वो'थ तोर ॥  
 वनतु मन कवा छलय ।०।  
 हय वलय, हय वलय .....

यिनय करख च॒ म्य ग्राव,  
 सु हय पान॒ चलिथ आव ।  
 म्य का'म्य ध्युतमुत छु ताव ॥  
 दबा'विथ तल॒ पलय ।०।  
 हय वलय, हय वलय.....

वुछान रुजासय ब॒ हूरी,  
 तति म्य दिचन मन्जूरी ।  
 बेयि वो'नुनम हतय हूरी ॥  
 बनावथ च॒ म'च ललय ।०।  
 हय वलय, हय वलय. ....

सितम गा'म यितम योर,  
 ह्यकय कवा, वा'तिथ तोर ।  
 ब॒ कडहा स्यठाह दोर ॥  
 यिनाह बनिथ यियि प्रलय ।०।  
 हय वलय, हय वलय.....

काहन गयम काह वतय,  
 लोलुस गा'मुच॒ छम दत्तय ।



बुछान छस चानि वतय ॥  
यिताह जल, यिनाह हलय ।०।  
हय वलय, हय वलय .....

छि मस्ता'न्य चा'न्य यारु,  
करान छय इन्तिजार ।  
स्यठाह रूज शरमसार ॥  
यिनाह वति जांह डलय ।०।  
हय वलय, हय वलय ।



### मा'ज पम्पोश् सा'त्य करय

मा'ज पम्पोश् सा'त्य, करय वरशोन,  
जेठु आ'ठम छु, जन्म दोह चोन ।  
जय जय कार, भविनय मा'ज सोन ॥

नतु कति ओस, म्य युथ तकदीर,  
सन्तव छिहम, दिचमच जीर ।  
तवय किन्य, त्युथ म्य ध्युन दर्शोन ॥  
जय जय कार.....

वनतय, आमच छख कति प्यठ,  
वैष्णवी छखय, किन राजा जी छख ।  
नतमस्तक छुय प्रणाम म्योन ॥  
जय जय कार.....

चरनु कमलन तल दित म्य जाय,  
टाठुयन सोजातम पानय आय ।  
मशरावतम मतु, लोल छुयय प्रोन ॥  
जय जय कार.....



को'पुत्र मा'ज आ'स्यतन आसान,  
 माज्य छनु को'माता, जांह ति सपदान ।  
 म्यहय यति वति आव मन्दिर चोन ॥  
 जय जय कार.....

योतान्य शुर छु, बो'छि हो'त वदान,  
 तो'तान्य मा'ज छसन, दो'द्व जांह दिवान ।  
 सोरुय प्यव म्य, आश्चर्य हावुन ॥  
 जय जय कार.....

केंह ता'रिथ केंह चा'न्य छि वार्य,  
 अ'स्य शरण आमृत्य छि भिखारी ।  
 पजिहे म्यति मन तु प्राण रटोन ॥  
 जय जय कार.....

दम दम लीखिम चा'नी भजन,  
 युहय मा छु म्योनय भनन ।  
 मत्यव ति ह्योत वो'न्य लोलु ग्यवुन ॥  
 जय जय कार.....

दरबार चोन, वुछुम शोलान,  
 तवय ओस मन जय भवानी बोलान ।  
 वासुनायि डास गव, वैराग छु प्रावुन ॥  
 जय जय कार.....

तुलमुल कोताह, ओसुम टोठ,  
 म्यहय प्रथ अस्तान यति प्रोट ।  
 तवय मो'त मन, तो'तुय छु लारुन ॥  
 जय जय कार.....

शेरस खसिथ वुछुमख फेरान,  
 मन मन्दिरस मंज साल करान ।



म्यति प्यव तवय, चोन लोल ललवुन ॥

जय जय कार .....

लोल प्याल भरिमय मालामाल,

बोज राजरा'नी अज छुय साल ।

मस्तानि लेखतय नो'व कर्म लोन ॥

जय जय कार छुय मा'जय म्योन ।०।



## दि म्य मुक्ति राजरा'नी

दि म्य मुक्ति राजरा'नी,

ग'छ म्य भक्ति, महारा'नी ।

म्य छि सथ, बस चा'नी ॥

लगयना बु राजरा'नी ।०।

च\_ यस रोजाख डखिदार,

तमिस क्याह, बेयि बकार ।

तस क्याह करि लाभ हानी ॥

लगयना बु राजरानी ।०।

मंगुन म्य केह छुम नु तगान,

मंगिथ छु सोरुय मेलान ।

यिहय छम मेहरबा'नी ॥

लगयना बु राजरा'नी ।०।

भक्ति भाव गछि आसुन,

मन गछि तति हय भासुन ।

यिहय छि चा'न्य वाणी ॥

लगयना बु राजरा'नी ।०।



लछि ब'ध्य ज्ञान्म हेतिम,  
कर्म ला'ध्य, कत्याह खतिम ।  
मायायि व'ल्य ह्य प्राणी ॥  
लगयना वु राजरा'नी ।०।

म्य छय माता चा'नी कल,  
दोर त्राविथ यितय जल ।  
थवतम म्य निगरा'नी ॥  
लगयना वु राजरा'नी ।०।

कुस सनाह च'य ह्युव व्याखा,  
युस हावि चा'न्य वथाह ।  
हा'रिथ गयि ज्ञानी ॥  
लगयना वु राजरा'नी ।०।

नव निधान छखना च'य,  
अष्ट सिद्धि अ'न्दि अ'न्दि छय ।  
म्य नय मशख दुरदा'नी ॥  
लगयना वु राजरा'नी ।०।

आमच वु छस बरु तल,  
मुश्किल म्या'न्य कर हल ।  
मस्तानि छय मस्ता'नी ॥  
लगयना वु राजरा'नी ।०।





## दमाह रोज़ शमाह जाल्

दमाह रोज़, शमाह जाल्, दमन करुम शुमार,  
अमाह चय गो'यना कनन बू छसना बेकरार ।

बुछान छसय चूरि पाठय चानि वतय,  
म्य छय याद प्यवान, तिम प्रानि कथय ।  
इन्द्रिय करिथ संहार, कमन सा'त्य गोम यार ॥  
अमाह चयमाह गो'य कनन ।८।

बनिथ यति लगय, केहति छुनु बनान,  
सनिथ यली गछि तेलि छुमाह सनान ।  
तमाह छुय तु जमाह अन दिलस यियि करार ॥  
अमाह चयमाह गो'य.....

मसा' रोश, जरा तोश होश हसा' रोबुम,  
दोहय वथित, तोति चानि वेरि मन नोबुम ।  
प्रारान छस अढ़फत्य, गो'लाबन अन बहार ॥  
अमाह चयमाह गो'य.....

यि को'त सनय गो'म, बू छस बेखबर,  
बुनिति कोताह सनाह, करुन यति सबर ।  
रिवान ग्यवान न्यथ छसय, करान इन्तिजार ॥  
अमाह चयमाह गो'य.....

यि क'म्य बनोव संसार, कांह छुन खो'श,  
सा'री गयि हारिथ यति, त्रावान हसा' वो'श ।  
चलिथ गछान समय तान्य, यिवान नू यखबार ॥  
अमाह चयमाह गो'य.....

छसय बठि प्रारान, तरुन हसा' अपोर,  
अथस थप्प करिथय, सुमा तार्यम तोर ।



दिल हा न्युथम, को'तू गो'म, लबन दिलदार ॥  
अमाह च॒यमाह गो'य .....

गुल्य गंडिथ, नमिथ सर, शरण छि आमत्य,  
चानि वेरि, चानि जेरि डेढ़ि तल चामत्य ।  
यि कथ हसा' खबर च॒य छुख सारुक सार ।  
अमाह च॒यमाह गो'य.....

वलो अजा च॒ योर यितो, बोजत म्या'न्य जार,  
गा'मत्य छि टा'ठुय चानि दादि बेमार ।  
मस्तानि मोनमुत छु, च॒छुख डखिदार ॥  
अमाह च॒यमाह गो'य कनन, बु छसना बेकरार ।०।

## समिथ नमिथ अ'स्य करव

समिथ नमिथ, अ'स्य करव,  
माजि पननि जारुपार ।  
अथ॒ रटि तु अ'स्य तरव ॥  
दियि तारस म्य तार ।०।

ब'हसा' गयस बेहाल,  
मरनु ब्रो'ठुय, मरुन जवाल ।  
मन पनुन गो'डय गुख ॥  
अदु बोजि सा'न्य जार ।०।

ठहर बी खो'र ठहराव,  
लगय वुछत म्योन भाव ।  
दया बनि तु असिति सो'ख ॥  
परव मन्थर बार बार ।०।



॥ यि कुस प्रलय आमुत,  
कलि युग मा छु जामुत ।  
पनुन्य दा'ध्य कथव हरव ॥  
गो'मुत जन छु संहार ।०।

मसवालन हय प्ययम,  
यंबरजलुन छांयि गयम ।  
भोंबुर यियम सखर करिव ॥  
खबर दिनस छुसा वार ।०।

वनत मा'ज मलालु छुय,  
म्यानि सालु, सो' योर यियि ।  
मस प्यालु मन म्य चैयि ॥  
करिथ तसुन्द एतिबार ।०।

वदान वदान रात गयम,  
म्य गव ब्रोंत सुमा' यियम ।  
कत्याह थविम ब्रत तु नियम ॥  
रटिथ थो'वुम अकोय गार ।०।

अजा छु बागवान बलान,  
पोश वछिथ बाग फो'लान ।  
ओ'श छु दारि दारि चलान ॥  
मस्तानि करिस अशिस हार ।०।

समिथ नमिथ अ'स्य करव,  
माजि पनुनि जारु पार ।





## मा'ज जाम् चा'न्य सो'नसन्धी

मा'ज ! जाम् चा'न्य सो'नसन्धी,  
लागयय पोशि गन्दी ।  
लगय, तुलमुलि अ'न्दि अ'न्दी ॥  
लागय पोशि गन्दी ।०।

प्रजलान छु चोन दरबार,  
म्यति आव मनस करार ।  
चोन म्यव् छु मोधुर कन्द्य ॥  
लागय पोशि गन्दी ।०।

छि दजान अखण्ड जूत्य,  
अमि मो'कला'विमत्य छि का'त्य ।  
कूत प्रारु मारिमन्दी ॥  
लागय पोशि गन्दी ।०।

नवि वरियि नो'व लोलाह,  
म्यति दित् अख, तोलाह ।  
खुलहा'न जान बन्दी ॥  
लागय पोशि गन्दी ।०।

मय थव दिहुक व्यवहार,  
अद जोति मनची तार ।  
जारु पार करिथ छन्दी ॥  
लागय पोशि गन्दी ।०।

लगयय रो'नि दामनस,  
छो'नि सा'त्य गयस बेह्यस ।  
ख्यथ खिर खण्ड प्येंदी ॥  
लागय पोशि गन्दी ।०।



सास भास्कर च\_ छहम,  
घटि मंजा गाश ओ'नथम ।  
रछिथस तापु तन्दी ॥  
लागय पोशि गन्दी ।०।

वलु वो'नय बोजतम जार,  
पत छुम कालु शाहमार ।  
बरजसतु पोश तुहन्दी ॥  
लागय पोशि गन्दी ।०।

मस्तानि प्रछहा'ख जांह,  
गो'य मय मलालु कांह ।  
सो' बन्येयि चा'न्य नन्दी ॥  
लागय पोशि गन्दी ।०।



## त्रपजार वुछिथ संसारकुय

त्रपजार वुछिथ संसारकुय,  
लोल हो म्य आव, परम द्वारकुय

प्रारान बु शायद ता'स्य छस,  
यस प्यठ म्य आ'सुय यछ तु पछ ।  
तसल्लाह म्य गव, यमि कारकुय ॥  
त्रपजार वुछिथ.....

अकि दोह, यलि आ'सुस जवान,  
तेज तेज दौरान तय दवान ।  
भय छुम बुजरुकि नारकुय ॥  
त्रपजार वुछिथ.....



ब्रोंठ कालि ओसुम लोल भरान,  
वोन्य छुमना जांह आलव करान ।  
छमना ज्ञान अमि कारुबारचय ॥  
त्रपजार वुछिथ.....

लूसिथ छेनिथ छस छप्पय दिवान,  
मनु आसतु ध्यानस मंज चलान ।  
सार कर लबव अमि सारकुय ॥  
त्रपजार वुछिथ.....

तारु वोल दियि म्य पानय तार,  
अन्त समयस छुम ती बकार ।  
शर हो म्य छुम, तमि तारकुय ॥  
त्रपजार वुछुम.....

यो'दवय बु चये पत द्रायिसय,  
छो'क लद डेढ़ि चानि चायिसय ।  
शेहजार म्य दितु, सबजारकुय ॥  
त्रपजार वुछिथ.....

वनतो को'रुन क्याजि अजा पगाह,  
ब'ल्य हसा' कुरथस फल्लवाह ।  
म्य बस तमाह पोशि वारकुय ॥  
त्रपजार वुछुम.....

बोज़ टाठि करिथम हो सितम,  
साथा यितम, या तूर्य नितम ।  
थरु छम अपजि व्यवहारचय ॥  
त्रपजार वुछुथ.....

प्रछितव वो'न्य त'मिसुय दयस,  
अ'स्य किथुक'न्य रोजाव पयस ।  
यिनाह गम बरख म्यानि बारकुय ॥  
त्रपजार वुछिथ.....



मति म्यानि वति वति छारथो,  
मनि मंज हनि हनि गारथो ।  
मस्तानि चारु कर चारुकुय ॥  
त्रपजार वुछिथ संसारकुय ।०।

लोल हो म्य आव दय दासकुय ।

## न छु च.य तान्य त् न छु म्य तान्य

न छु च.य तान्य, न छु म्य तान्य लालु ।  
यि छु सोरुय, तस दयस, हवालु ॥

सो'ख तु दो'ख दिवान छु सुय,  
यमिस यम्युक, अमार छुय ।  
वुछत वु छस कमि हालु ॥  
न छु च.य तान्य.....

फो'लन पोश, तु चलन दाग,  
बेहम् चूरि तु ह्यमय जाग ।  
सु मो'कलावि म्य यमि कालु ॥  
न छु च.य तान्य .....

कृम्यतान्य दुब को'र दरवाजस,  
तवय वु लजिस अजाबस ।  
लगय च\_ त्राव बा वो'न्य मलालु ॥  
न छु च.य तान्य.....

अज गव दिल दीवान् म्योन,  
शायद ओसुम यारान् प्रोन ।  
जांहति यिखना सानि सालु ॥  
न छु च.य तान्य.....



कोताह सो'न छु, नफचुक खजानु,  
 अथ छुन केह, जांह थक गछान ।  
 चो'क तु मोधुर, कवा चालु ॥  
 न छु चय तान्य,

म्य छो'रमख च\_ पोशि मरगन,  
 पत बू चायस फकीर वरगन ।  
 च\_य वनतु कूत संसार पालु ॥  
 न छु चय तान्य.....

सितम कर्य म्य सितम गारन,  
 बू क्याजि छस, तोति प्रारन ।  
 मो'कलाविहेम यमि जंजालु ॥  
 न छु चय तान्य.....

यिमन को'लन छु चोनुय जाल,  
 म्यानि मुश्किल करख हल ।  
 सुय पतु रटहा'न च\_रि नालु ॥  
 न छु चय तान्य .....

गम छुम म्य सु कोनय आव,  
 तमिस मेलनुक ओसुम चाव ।  
 मस्तानि भनि कति मस्तानु चाल ॥  
 न छु चय तान्य तु न छु म्य तान्य लालु ।०।

यि छु सो'ह्य, तस दयस, हवाल ।





## टोठ जन्म दो'ह गो'र सुन्द

टोठ जन्म दो'ह, गो'र सुन्द आव,  
वाहरस म्य ओस, अमिकुय चाय ।  
बुछत बेयि कूत छुम लोलुक भाव ॥

गो'र देव यन, बन्यव मस्तान,  
मेति छन दिचमुच आत्म ज्ञान ।  
मेलहा'स, मेति छुम चिक चाव ॥  
बेयि ह्य जन्म दो'ह अजा आव ।०।

नवि वरियि, न'विसुय बहारस,  
छसना लोलु सान, इन्तिजारस ।  
चलुराव्यम, युस छस म्य ग्राव ॥  
टोठ जन्म दो'ह.....

प्रारान छसयो, आ'शुर्वादस,  
ज्ञान आहम हंगत मंग नादस ।  
सीरु बाजि पानय परजानाव ॥  
टोठ जन्म दोह.....

वो'न्य न सा' बु बेयि म'च गछय,  
घरि घरि मेलनस हा तम्बलय ।  
तोति च'य लगय, मलालु त्राव ॥  
टोठ जन्म दो'ह.....

सर्व कद लगयो, छुख सो'र्ग बो'नि,  
नालस छय जरिथ त्यागचि चूनि ।  
शेछि हसा' वनी, म्योन मनु काव ॥  
टोठ जन्म दो'ह.....



धनवान रोजान धनु सा'त्य खो'श,  
त्यागवान छिनाह त्रावान जांह वो'श ।  
ध्युतमुत छुनख अवलय दान ॥  
टोठ जन्म दो'ह .....

आलव दिथ मसा' बूजथम,  
तोति चा'नी आशा म्य छम ।  
मस्तानि दिखना पनुन नाव ॥  
टोठ जन्म दो'ह गो'रु सुन्द आव । ० ।

## सम भाव सा'ती स्म रोजहा

सम भाव सा'ती सुम रोजहा,  
सोज बोझहा, चोनुय सदाह ॥

सुलि घरि बु वो'न्य येति नेरहा,  
फेरहा नयन तय मरगन ।  
शत शत प्रणाम तस सोझहा ॥  
सोज बोझहा.....

पानस तान्य, येति छुन केह,  
लजिमुच यस आसि लोलु रेह ।  
चोनुय वतन हा छारहा ॥  
सोज बोझहा.....

साहिबो करतम चारय,  
येति नो छसय, वो'न्य वारय ।  
संसारक्य दित्य म्य नोजहा ॥  
सोज बोझहा.....



मायि म्यानि सा'त्य, ति आखनाह,  
 म्या'निस मनस च् चाखनाह ।  
 दरवेश दरान ओस रोजाह ॥  
 सोज बोजहा.....

आसिहेम ह्य चोन उलफत,  
 यिथ योरु करहा'नु गफलत ।  
 लोल छि तोति येति लोजाहा ॥  
 सोज बोजहा.....

टाठि म्यानि प्रारुन छु कोताह,  
 दारि दारि ओ'श वोथना स्यठाह ।  
 मस्तानि कुर मस्ती मौजहा ॥  
 सोज बोजहा चोनुय सदाह ।०।



## दुश्वार छु छारुन लोल

दुश्वार छु छारुन, लोल चोन,  
 साहिबो, म्य छुय यारानु प्रोन,

चा'न्य पा'ठ्य व'न्य हसा' दिचमय,  
 यछ पछ म्य चा'नी येति छमय ।  
 कासतम, युस लो'गमुत म्य प्रोन ॥  
 हा साहिबो म्य छुय.....

सूंचित त सखरिथ क्याह करुन,  
 सो'दरा ओस, सुय छुम मथुन ।  
 करतो च् विश्वास जांहति सोन ।  
 साहिबो म्य छुम.....



दास छा थकान, जारुपार करिथ,  
दयु नाव सो'रिथ, भवसरु तरिथ ।  
बदलावान छुम कर्म लोन ॥  
साहिबो म्य छुय.....

असवुन त बसवुन घरु गो'छुम,  
मन हो म्य अवलय वश को'रुम ।  
यिनाह जांह मशी, एतिवार म्योन ॥  
साहिबो म्य छुम .....

करतो च\_ ती यि च\_य खो'श करी,  
म'र्य म'र्य कुसू धरि धरि मरी ।  
मन छासा' प्रथ विजि मथोन ॥  
साहिबो म्य छुय.....

हा दय, बेयि छुमनु केह बकार,  
कठिने सरसुय दित म्य तार ।  
वो'न्य हो हेमय चोनुय गीत ग्यवोन ॥  
साहिबो म्य छुय.....

ओब्र तलु सिर्य ओ'स द्रामुत,  
नजारी ओस पोशिमो'त गोमुत ।  
वन्दस व\_ कबीलु तयक्रोन ॥  
साहिबो म्य छुय.....

वो'रावय पोश वति वते,  
लगयो जांह ना आहम अथे ।  
हरदम म्य गो'छ चोन, रंग लगोन ॥  
साहिबो म्य छुय.....

पोशन छि सा'त्य कं\_ड\_य आसान,  
कों'ड छुय नाशवान भासान ।



वारय व्यचार ह्योत म्य चारोन ॥  
साहिबो म्य छुय.....

तसल्लाह च\_य दिवान छुहम,  
पजि वति हसा' लागान छिहम ।  
मस्तानि ह्योत वीद वखनोन ॥  
साहिबो म्य छुय यारान् प्रोन ।०।



## जान हो बन्दय जानान् निम

जान हो बन्दय, जानान् निम,  
मस्ती हुंदुय, हा खजान् दिम ।

यिन् नजरि डलिथय रोजहा'म,  
सनिसुय हा सो'दरस सोजाहा'म ।  
अथ प्यठु पनुन, डालान यिम ॥  
मस्ती हुंदुय हा खजान् दिम ।०।

ननुवार्य सुलि घरि द्रायसय,  
मयखान् चोनुय चायिसय ।  
मलर्यव मलर्यव फिरान दिम ॥  
मस्ती हुंदुय .....

च'थ मा खबर छम चेमत्यन,  
अथ रो'ट को'रुथ तति पेमत्यन ।  
साकी च\_य प्रारि यारान निम ॥  
मस्ती हुंदुय.....

पतु कस रुज देहची खबर,  
कोताह अमि पत छुख सबर ।  
देवान् गयस तु देवान निम ॥  
मस्ती हुंदुय.....



वल्ल सोन यिताह बहारय,  
जिगरस करिथम पारय ।  
मय खानु, मंज पयमानु दिम ॥  
मस्ती हुंदुय.....

यूत तेजा वाव कत्यू आमुत,  
छारन्य कांसि मा द्रामुत ।  
यिनाह लार कर्यम लारान यिम ॥  
मस्ती हुंदुय.....

दारि प्यठ बिहिथ क्याह छस सो'रान,  
चानि दादि छो'रु छो'रु छस करान ।  
सय थविथुय, यखसान यिम ॥  
मस्ती हुंदुय.....

लोल पोश लागय फो'ति फो'ते,  
सन्मो'ख आहम ना जांह अथे ।  
बस्ती दितम, मस्तान निम ॥  
मस्ती हुंदुय .....

रंग महलनय साल हो करय,  
यो'दवय च् यिखना बहा मरय ।  
लोल ढोल ह्युव, वायान यिम ॥  
मस्ती हुंदुय.....

मस्ता'न्य छसयो बेकरार,  
तस मासा' येति छु यिति वारु ।  
तारस ति तस तारान यिम ॥  
मस्ती हुंदुय हा खजानु दिम । ०।  
जान हो वन्दय जानानु निम ।





## यच्छि पच्छि चयनिश अ'स्य आयि

यच्छि पच्छि चय निश अ'स्य आयि,  
लगयो, लगय चानि बार गायि ।  
खा'ल्य मासा' चानि बरु द्रायि ॥

बो'ड दो'ह वेयि कथबा वनान,  
बडि लोलु सा'त्य छुय, दय ननान ।  
आयस बू शो'द्ध हा वासनायि ॥  
लगयो लगय.....

म्यति लोलु जार, येति हस गिन्दुय,  
राजु छुख च\_ वन भवनन हुन्दुय ।  
पाय को'रथम लगय बडि पायि ॥  
लगयो लगय.....

लोल हो म्य चोन आमुत छुम,  
तमन्नाह वो'न्य द्रामुत छुम ।  
रोजान अमर बस चोन सायि ॥  
लगयो लगय .....

ठानु थवतु व'थिनय बानुन,  
ध्यवु बुरचर गछि खजानन ।  
पकिमत्य छि मत्य, चानि रायि ॥  
लगयो लगय .....

यिथ योर, नेरुन छु ला'जिम,  
अख मोक्ष द्वार हाविथ दिम ।  
यिनाह जांह रूजु जगतचि त्रायि ॥  
लगयो लगय .....



ब्रोंत हो गोम, आख मा योर,  
 बरसुय थो'बुम वो'थ हो तोर ।  
 यिन लोलु तीर दोलु कांह लायि ॥  
 लगयो लगय.....

गो'णवानु, गो'णनुय हो लगय,  
 अमृत सा'त्य, मनु बाग सगय ।  
 जार बोजातो वो'न्य म्यानि मायि ॥  
 लगयो लगय.....

शो'द्ध बो'द्ध थव्यम सु लालुजार,  
 म्यानिस मनस फो'लि गुलजार ।  
 छय्न हो गछयम पतु त्राहि त्राहि ॥  
 लगयो लगय.....

कोताह पकुन छुम पते,  
 लोल हो आम मायि मते ।  
 गारस हसा' चानि यार चायि ॥  
 लगयो लगय.....

वनतु वो'न्य को'त छुख द्रामुत,  
 वनि मसा' कांसि छुख आमुत ।  
 मस्नानि लालु हसा वो'न्य छिपा'नी ॥  
 लगयो लगय चानि बारगायि ।०।





## वनतो को'त गोम दिल फो'लवो'न

वनतो को'त गोम दिल फो'लवो'न,  
 टाठुयन थो'वुथ लोलु नार ललवोन ।  
 दिल हबा दिल हबा, रोवमुत छु दिल हबा ॥  
 छोरमुत म्य मरहबा, लोबमुत यति हबा ॥  
 अजहबा, अजहबा, अथि आव लोल हबा ॥

यि कत्यू सब्ज सब्जार आमुत,  
 छलु छलु करान अबुशार द्रामुत ।  
 यि क्युथू बहार सूजथन चलवुन ॥  
 टाठुयन थो'वुथ लोलु नार....

यि कम्यू कुर्य म्य जिगरस पारय,  
 मिसकीन छसयो बु लाचारय ।  
 यि कूतू सो'न वाव गव जलवोन ॥  
 टाठुयन थो'वुथ.....

यि कम्यू वथ हा'वनम सत्ची,  
 वथ मीलित्थ ज्ञान जनछि रतची ।  
 मन ओस म्य लोलस मंज पलवोन ॥  
 टाठुयन थो'वुथ.....

गो'डु क्याजि होवथम युथ ह्युव करार,  
 पत छुख वनान, क्याह छुय बकार ।  
 हंग तु मंग तील, सूजथ हा तलवुन ॥  
 टाठुयन थो'वुथ .....

जारु पार करिथय वारु छसनो,  
 वाय, म्योन बूजिथ, ध्यव तार लगिमो ।



यलि शीन प्यव, सु ओस गलवुन ॥  
टाठुयन थो'वुथ .....

वन् कयाह छयो, म्य शरम यिवान,  
मंग्य मंग्य मा आसहम च् थकान ।  
यि क्युथू संसार छु छलवुन ॥  
टाठुय थो'वुथ .....

अवलय मन सो'न ह्युव गो'रथम,  
तोति ग्रावन क्युथ, कयाजि थो'वथम ।  
यि क्युथू सोजा छस ग्यवान कलवुन ॥  
टाठुयन थो'वुथ .....

मशितय कयाजि गव म्योन लालस,  
लेन देन वो'न्य छु, कमसुय कालस ।  
यि कम्यू कर्म ल्यूखनम हलवुन ॥  
टाठुयन थो'वुथ .....

चेश्म चानि बादाम, बेयि सर्व कद,  
जार बोझखनाह छस छो'क लद ।  
यि क्युथ शरीर ध्युतथम नलवो'न ॥  
टाठुयन थो'वुथ .....

वाह वाह मन गोमो शाद,  
म्या'न्य यलि बूझिथ लोलु नाद ।  
मस्तानि छि हो'त पनुन थो'लवुन ॥  
टाठुयन थो'वुथ लोलु नार ललवुन ।०।





## च. मुचराव मोक्ष द्वारस बर

च. मुचराव मोक्ष द्वारस बर,  
ब. यिम जल जल, ब. यिम जल जल ।  
हतो साहिबो, म्य छय चान्य कल ॥

ब. प्रारान छसयो यति गदाह,  
च. बोजातो म्योन लोलु सदाह ।  
यिनो वो'न्य करहा'म बेयि छल ॥  
हतो साहिबो.....

म्य छजिमय, अशि सा'त्यन वतु,  
च. करतो जांह म्य सा'त्य लोलु कथ ।  
मशान मसा' छहम अख पल ॥  
हतो साहिबो.....

दरें दुनिया छुनो कांह सोर,  
यि म्या'न्य, विनती वा'च्या तोर ।  
छु नावस चा'निस बो'ड जोर ॥  
हतो साहिबो.....

अगर अनुग्रह म्य बनि चोनुय,  
च. लो'त पा'ठुय यिख दमाह सोनुय ।  
मना विश्वास कर, मव डल ॥  
हतो साहिबो.....

म्य वो'थ रातस, ओ'श दारि दारि,  
च. वनतो वो'न्य म्य कुस तारि ।  
शरण आयस ब. पादन तल ॥  
हतो साहिबो.....



छि द्रामुच काच जून फेरन्य,  
सो' ल'ज सिर्यस, पत दोरन्य ।  
करान हसा' छुम, मुश्किल हल ॥  
हतो साहिबो.....

च\_ मत वुछतु, म्यानिस हालस,  
बु जरहा'य चूनि अथ नालस ।  
जिन्दय मरिथय रिदमो डल ॥  
हतो साहिबो.....

म्य छोर सन्तन मंजय भगवान,  
तिमय आ'सिम दिवान आत्म ज्ञान ।  
कडिखना अ'स्य मंजा दलदल ॥  
हतो साहिबो.....

यि कुस म्यानि पा'हरि चामुत छुय,  
यि कुस लोलु हो'त आमुत छुय ।  
म्य कुन वुछिथय, यिनो दिख पलु ॥  
हतो साहिबो.....

छु मस्तानि तस पान पुशरोवमुत,  
तमिस कुस तान्य छु याद प्योमुत ।  
फो'लुस मनि मंजा, मनु कमल ॥  
हतो साहिबो म्य छय चान्य कल ।०।





## शों'गन बेहन चानि नाव्

शों'गन बेहन, चानि नाव्, रंगन छस, पनुन मन,  
चलन, चान्यन, को'लन, छलन छस, पनुन मन ।

वां'स गयम कांसि मसा', बूजा कथ म्या'न्य,  
तोति थुवथम, चये हा, सथ चा'न्य ।  
पोश फो'लन, दा'ध्य चलन, दलन छस पनुन मन ॥  
शों'गन बेहन, चानि नाव् ।०।

रातस छसय, वतु वुछान, को'न आहम,  
म्य दो'प, च\_मा कांसि सा'त्य द्राहम ।  
चानि रायि, प्रानि मायि वलन छस, पनुन मन ॥  
शों'गन बेहन,.....

छनिथ जाम् हा चय जारका'री,  
म्य गव ओ'श, स्यटाह जारी ।  
होल गोमो, लोल आमो, तलन छस पनुन मन ॥  
शों'गन बेहन.....

यि कर आव, योर नो'व बहार,  
म्य क्याजि न्यूमुत छुनम करार ।  
शर सु कासन, रज छु वाटन,  
रलन छस पनुन मन ॥  
शों'गन बेहन.....

बु चायस, हा लोल बागस,  
प्र\_छ\_योम तति हा तमिस आगस ।  
यछि पछि, सो'रिथ नाव, वलन छस पनुन मन ॥  
शों'गन बेहन.....



हतो पीरु ! मा' करुम गीर,  
 वनत म्य क्याह छुम तकसीर ।  
 थकिथ लूसिथ, पेयस हसा' लबन छस पनुन मन ॥  
 शों'गन बेहन.....

दिल छु स्यठाह बेकरार,  
 यारु म्यानि बोझ वारु ।  
 दमाह रोजा सोजा बोझ, नमन छस पनुन मन ॥  
 शों'गन बेहन.....

म्या'निस दा'दिस, दग छि मीठ,  
 चय रो'स यिमाह, कांसि डोठ ।  
 वतन छस वत मंगन रंगन छस पनुन मन ॥  
 शों'गन बेहन.....

म्य छि सफर गा'मत्य स्यठाह,  
 च- यितु यूय चत्यम वठाह ।  
 मस्ता'न्य छय मय चवन, दवन दोरन पनुन मन ॥  
 शों'गन बेहन चानि नावु रंगन छस पनुन मन ।०।



## माता छखय दीन दयाल

माता छखय दीन दयाल,  
 यित प्रछतु, असि क्याह छु हाल ।  
 सोन थो'वुथ चये हय खयाल ॥

करतय असुरन च- नाश,  
 चटतमी विकराल पाश ।  
 जान छु लारान पतु काल ॥  
 मा'जय छखय दीन दयाल ।०।



बुछथुय वो'थुमुत छु तूफान,  
 कम्य वाहरोव युथ वान ।  
 आकाश प्यठ छु तल पाताल ॥  
 मा'जय छखय.....

किथु पा'ठुय, करनय ह्य साल,  
 टा'ठुय गा'मत्य छि बेहाल ।  
 तवय दिवान छियना नालु ॥  
 मा'जय छखय.....

चण्डी रूप च\_ धारतय,  
 अथ रो'ट करिथ म्य खारतय ।  
 यूतुय छुय म्योन सवालु ॥  
 मा'जय छखय.....

को'पुत्र हेकि बनिथय,  
 को'माता छनय जांह बनिथय ।  
 चो'टथम मो'हुक, ह्य जाल ॥  
 मा'जय छखय.....

डेढि तल चानि बेहमहा,  
 प्रदिक्षणस न्यथ यिमहा ।  
 तमनाह म्योन च\_य पाल ॥  
 मा'जय छखय.....

करसनाह यियि नो'व बहार,  
 छो'क लदन बनिहे करार ।  
 बोजातय मतय दित डाल ॥  
 मा'जय छखय.....

जाखमन करतम मरहम,  
 यचकालुच द'ग छम ।



बा'ल्य गोम ना'ल्य जंजाल ॥

मा'जय छखय.....

म्यानि शेछि च'य वाच'यनाह,

आलव कनन गो'यनाह ।

मस्ता'न्य गयि मालामाल ॥

मा'जय छखय दीन दयाल ।०।



## मारु मति यारु म्यानि

मारुमति यारु म्यानि, म्यहसा' रा'व रुमाल,

चारु युस करि, सुय हा लबि, म्या'न्य रुमाल ।

येम्य नियि रुमाल, ता'म्य को'र कमाल ॥

म्यहसा' रा'व रुमाल, म्यहसा' राव रुमाल ।०।

टा'ठयव प्रुछहोम, क्याह सनाह गव,

अमि रुमालि खा'तरु, छा यीच दवु दव ।

फुटमुत दिल वनान म करिव वबाल ॥

म्य हसा' रा'व.....

पाम् छिम दिवान, यि रुमाल क्याह छि यीछ,

लगयो वन ब' कस, टा'ठ छम का'च ।

दिल रूद खटिथ तु अ'थ्य वो'नुख श्रुमाल ॥

म्य हसा' रा'व.....

यावुन सूरिथ, यार मा योर आव,

सोरुय छु आसान, अवलय चाव ।

तेलि मा वुछमुत ओस कांह सवाल ॥

म्य हसा' रा'व.....



अमि रुमालि, चानि न्यूनम दिल,  
 व'ध्य व'ध्य दिल लबुन छु मुश्किल ।  
 दी नय रुमाल सु यीमा जवाल ॥  
 म्य हसा' रा'व.....

अथ रुमालि छि कडिथ अ'नध्य अ'नध्य पोश,  
 तमि रावरोवमुत छु मत्यन होश ।  
 रा'विथ वृ हावुक्क्याह, तस गव मलाल ॥  
 म्य हसा' रा'व.....

सुलि घरि मस वलि चस गोम,  
 तमि रुमालि सा'त्य हा मय चोम ।  
 हंग तु मंग का'म्य ओ'नुम तवाल ॥  
 म्य हसा' रो'व.....

तारकन मंज जून चमकान,  
 तिथय का'न्य छम रुमाल प्रजालान ।  
 बेहयस करनस यलि आम खयाल ॥  
 म्य हसा' रा'व . ...

यि रुमाल आ'सम यारु सुन्द निशानु,  
 यनु रा'वम तनु गयस देवानु ।  
 मस्ता'न्य कुरथन हा बेहाल ॥  
 म्य हसा' रा'व रुमाल । ०।



## सोंथ द्राव त् हरुद चाव

सोंत द्राव त् हरुद चाव,  
पन बरगन ल'ज्य तुलत्राव ।  
यि छि रातुच कथ ॥

ओस लो'कचार, मारान छालु,  
रुद कस होश, जवानी मंजा लालु ।  
बुजरस छि वो'न्य, बस ग्राव ग्राव ॥  
यि छि रातुच कथ ।०।

दूर मत्तु गछ्छुयतव, तोति याद कर्यतव,  
सारिनुय ति लोलाह भरितव ।  
जिन्दगी हुन्द छुनाह चिकुचाव ॥  
यि छि रातुच कथ ।०।

यो'दवय तो'हि छुव केंह प्रोवमुत,  
केंछाह दयु नाव मन सो'रनोवमुत ।  
तेलि गछ्छि जानुन साहिब आव ॥  
यि छि रातुच कथ ।०।

असि क्याह, कांह हेछिनावोन,  
गो'डु पान, पनुन वनि थावोन ।  
अदु वनोस अ'स्यति केंह च्यतसपाव ॥  
यि छि रातुच कथ ।०।

मनुष्य त्राविहेनु जांहति देह,  
यिनय कडिहेस सु तोरय क्रेह ।  
यथ शरीरस सा'त्य छु कूत लगाव ॥  
यि छि रातुच कथ ।०।



गव समया, कृड वां'सा,  
मतु वनत, कथाह कर्यतन कांह ।  
को'सु आशा कसुन्द छुम चाव ॥  
यि छि रातुच कथ ।०।

आदुनय अगर अ'स्य हेमव दूर,  
अदु दय करि तति मन्जूर ।  
बोजख च सु टोठ दय आव ॥  
यि छि रातुच कथ ।०।

यि मकानु गव, प्रोन,  
अथ मंजा, पजिनु रोजुन चोन,  
वसिथ हय पेयि तु बोजयस न कांह क्राव ।  
यि छि रातुच कथ ।०।

सुव दम ति तो'ह्य दय सो'र्यतो न,  
कुनि विजि ति याद हसा' कर्यतो न ।  
लोलु दग टा'ठ छि रछाह ललुनाव ॥  
यि छि रातुच कथ ।०।

बति वन्दहा'य च य कबीलु क्रोन,  
कासतम हो काच जूनि ग्रोन ।  
रोजिहे मेति चोनुय भाव ॥  
यि छि रातुच कथ ।०।

असि सारिनुय दय दियितार,  
सोनति बोजिना जारु पार ।  
मस्तानि लो'गमुत छु लोलु ताव ॥  
सोंत द्राव तु हरुद चाव ।०।





## चरि पो'प करुन तु न करुन

चरि पो'प करुन तु न करुन,  
यि छु सोरुय दयस तान्य ।  
तस लोल भरुन तु न भरुन ॥  
यि छु सोरुय दयस तान्य ।०।

अ'स्य समिथ छि सा'री,  
मंगान दयस छि यारी ।  
असि अनुग्रह करुन तु न करुन ॥  
यि छु सोरुय दयस तान्य ।०।

युस यि करुन्य सूजुन,  
सु छु ती यति करान ।  
पजिस प्यठ अमल, करुन तु न करुन ॥  
यि छु सोरुय दयस तान्य ।०।

जिन्दगी छि सो'खु दो'खुक आलम,  
बनिथय यति यिवान ।  
अथ मंजा अरुसर करुन्य तु न करुन्य ॥  
यि छु सोरुय दयस तान्य ।०।

टाठुयन त्रावनुक सामान करनुय,  
प्यव असि वो'न्य यति ।  
अथ प्यठ मन दरुन तु न दरुन ॥  
यि छु सोरुय दयस तान्य ।०।

ब्याख कांह, क्याह वनि या जानि,  
म्यानि लेखनुक तु परनुक सार ।  
म्योन लेखुन तु परनु ॥  
यि छु सोरुय दयस तान्य ।०।



यिम भावु पोश लोलु मालि वुरिम,  
 वुरान वुरान, छो'रु छो'रु करिम ।  
 तति मन्जूर करुन तु न करुन ॥  
 यि छु सोरुय दयस तान्य ।०।

लूक कथन मतु गा'छितव जांह,  
 तिम छि पो'जा अपुजा वनिथुय गछान ।  
 वो'न्य बिहिव यति छो'प करित तु न करित ॥  
 यि छु सोरुय दयस तान्य ।०।

वा'स क'ड तु मगर पनुन घरु गछव,  
 यिम छि रुत्य कर्म सा'न्य ।  
 यति कुस छु सरु करुन तु न करुन ॥  
 यि छु सोरुय दयस तान्य ।०।

लूक छि म्य बेकुल नजरि वुछान,  
 म्या'निस भावस हेडान तु ग्येलान ।  
 मन म्योन गरुन तु न गरुन ॥  
 यि छु सोरुय दयस तान्य ।०।

संसारुच कथ करिथ,  
 अथि मासा' आव केह ।  
 यिम त्राविथ दय नाव सो'रुन तु न सो'रुन ॥  
 यि छु सोरुय दयस तान्य ।०।

म्य गा'मत्य सुली छी तसल्ला,  
 म्य क्याह कांह दियम इसलाह ।  
 असलुक इसल्लाह मस्तानि बन्यम तु न बन्यम ।  
 यि छु सोरुय दयस तान्य ।०।





## यि छु सोर्य बहानय

यि छु सोर्य बहानय,  
हा पान्, को'नाह छुख, जानानुय ।०।

वुछ जगतस मंज सु व्यापक,  
तस रो'स यति मा छु, काँहति अख ।  
तस सा'त्य थविजि रुच जानुय ॥  
हा पान् कोनाह छुख ।०।

गो'डन्युक भास छुन, पतिम भास,  
अमि पत् छि भास, सासु ब'ध्य सास ।  
तमिच आस तु च\_य जिखिर लागान ॥  
हा पान् कोनाह छुख जानानुय ।०।

शाहचि खसु वसि, थविजि ह्यस,  
लो'त लो'त खस तु लो'तुय वस ।  
गो'र करनावो पान् पहचानुय ॥  
हा पान् कोनाह, छुख ।०।

वुछ वो'न्य कूत मूर्ख बन्योख,  
दय कारस यूत सन्योख ।  
सु छुय च\_य मंज आसानुय ॥

डेकस मंज गंड बा मुदय,  
वति वुछख सिर्य ज्ञन गव उदय ।  
त'थ्य मुदय रोज, गण्डानुय ॥  
हा पान् कोनाह छुख जाननुय ।०।

बोजू कथ ह्यसु सान रोज,  
तस प्रणाम, सासब'ध्य सोज ।



सु छु क्षण क्षण नजर थवानुय ॥  
हा पानु कोनाह छुख जानानुय ॥०॥

अलग रुजिथ व्यवहा'री बन,  
कांसि हंदिस खुरिस म सन ।  
तमि सा'त्य छुय दूण खसानय ॥  
हा पानु कोनाह छुख जानानुय ॥०॥

मन थविज्यनु कामि रो'स जांह,  
पतु रोज्यस न रिबुनाह तु वदुनाह ।  
एकांतच वथ छि सूदम आसानय ॥

अनुभव करिथ बनान अनुभवी,  
मस्तानि तोरुच दयाह छव ।  
सु छु सा'त्य तस आसानुय ॥



### वनतम दयो म्य क्याह

वनतम दयो, म्य क्याह तकसीर,  
नाहकय दिचथम ओरय जीर ।

सुलि यलि पनुने, घरि द्रायस,  
चा'निस गारस मंजा चायस ।  
मायायि चाने क'रनस बु गीर ॥  
नाहकय दिचथम.....

वनि यलि आहम, मस्तानय,  
रो'टमुत छुमय चोन दामानय ।  
पतु क्याजि दिति थम दा'रिथ तीर ॥  
नाहकय दिचथम.....



चश्म छय बादाम, बेयि या'र्यतन,  
 सर्वकद थो'द तु बेयि सोन्सुन्द मन ।  
 बेयि हा रुत भास्योम चोन तदबीर ॥  
 नाहकय दिचथम .....

लगहा'य चाने मो'कतु ख्रावे,  
 युस सु वुछि ज्ञान गंगायि नावे ।  
 बहसा' भावान चये छस सीर ॥  
 नाहकय दिचथम .....

दानी तु बलबीर योर यलि आयि,  
 अथ हावान खाली हसा' द्रायि ।  
 म्य अछन ब्रोंठकनि छुम तसबीर ॥  
 नाहकय दिचथम .....

फो'लिम'त्य पोश छि वसिथ प्यवान,  
 अडुफल्यन छि थरु थरु अचान ।  
 क्याह ज्ञानु क'म्य ल्यूखुम तकदीर ॥  
 नाहकय दिचथम .....

प्रा'न्य कथ यलि छम याद प्यवान,  
 नवि कथु क्याजि छुख मशरावान ।  
 अथुरो'ट करतम, छुखना पीर ।०।

निर्मल तु निराकार चोन रूप ओस,  
 तवय किन्य म्य सा'त्य सा'त्य भोस ।  
 मस्तानि चटिथ छन्य यतिच जंजोर ॥  
 नाहकय दिचथम ओरय जीर ।०।





## मद होश मन गच्छि

मद होश मन गच्छि, मद वालुनये ।

अदु गच्छि टोठ लालु छारुनये ॥

हेरि बोन ह्योतमख, म्यहा गारुनये,  
अज्ञतान्य कुनिनो, वनि आहम ।  
कोहताह काल छुम, बुनिति प्रारुनये ॥  
अदु गच्छि टोठ लालु छारुनये ।०।

अन्दरी अन्दरी छुम सारुनये,  
अदु पतु कुनि दोह पय लबनो ।  
लोलुक नार कोहताह छु चालुनये ॥  
अदु गच्छि टोठ लालु छारुनये ।०।

चा'निस बरसतल खा'ल्य गछिनु युनये,  
मनुक अरमान नेरि जारुर ।  
अकि दोह छयन गच्छि युन तु गछुनये ॥  
अदु गच्छि टोठ लालु छारुनये ।०।

म्या'न्य लोलु नाद चय छि बोजनिये,  
तोरय कांह गच्छि सोजुनये ।  
म्यानि घरि हर विजि छुय रोजुनये ॥  
अदु गच्छि टोठ लालु छारुनये ।०।

ता'मिसन्दि रंग गा'ध्य मन रंगुनये,  
अदु गच्छि डो'ख दिथ शोंगुनये ।  
याद गच्छि प्यो'न ज्यो'न तु मुरुनये ॥  
अदु गच्छि टोठ .....

मस्ती मंज गच्छि मस प्यालु चो'नये,  
अदु गच्छि संसार मशरावुनये ।



जन गव ताजु जाखमन नून ध्युनये ॥

अदु गछि टोठ.....

अथु पनुनि पोशु वारि ध्युनुम वो'नये,

रंगु रंगु वुछमस गो'लाब फो'लिथुय ।

युहय गव मस्तानि दुय त्रावुनये ॥

अदु गछि टोठ दय छारुनये ।०।



## यितमो साहिबो त् तार

यितमो साहिबो त् तार दितमो,

व्यवहारस मंज व्यचार दितमो ।

दोह आयि लूसिथ छु गछुन दूर,

सुलि घरि पजिहेना म्य मलुन सूर ।

हाविथ सतकुय, सार दितमो ॥

व्यवहारस मंज व्यचार.....

अ'श्क चूर छुम गोमुत फ'रिथुय,

अथ कारस क्याह ह्यक वनिथुय ।

अनिथुय कुनि काँह वार दितमो ॥

व्यवहारस मंज व्यचार.....

अनज्जान लोलुच वुछम रफतार,

पनु पनु गयसहो छस बेजार ।

फो'लना'विथ यति बहार दितमो ॥

व्यवहारस मंज व्यचारस.....

लगयो चा'निस, पजिस वानस,

सायि थाविथ हसा' सायिबानस ।



प्रेयमुच वसिहे हा धार साहिबो ॥

व्यवहारस मंज व्यचार.....

रोश मसा' पोशव, असना'वहा'स,  
चोन नाव घरि घरि परना'वहा'स ।  
छारान छस चोन द्वार दितमो ॥  
व्यवहारस मंज व्यचार.....

गो'डु यि कथाह, वनिहे म्य कांह,  
सन्यास प्राविथ सु मेल्याह सनाह ।  
जमाह अनिथ रुत कार दितमो ॥  
व्यवहारस मंज व्यचार ...

छायि सा'त्य मायि करिथ नेरि क्याह,  
बा'ल्य हसा' जीवस छि यतिक तमाह ।  
छ\_यत् करिथ यत्युक नार दितमो ॥  
व्यवहारस मंज व्यचार ...

करयो लो'लुमत लाय लालो,  
आ'स टाठयन चा'नी त्रायि लालो ।  
लोलुस कांह रफतार दितमो ॥  
व्यवहारस मंज व्यचार .....

दावसान भावस छुम महिमा,  
चानि खो'तु बजराह, छु कस सनाह ।  
वाय यिनाह नेर्यम, तार दितमो ॥

मस्ता'न्य आ'सुय प्रछान चेंय,  
कारस अन्तसा' अन्जाम मेय ।  
सूक्ष्म वथ हाविथ, यार दितमो ॥  
व्यवहारस मंज व्यचार दितमो ।०।





## वनय क्याह म्यानि गो'रय

वनय क्याह, म्यानि गो'रय,  
च\_ लो'बमख म्य भवसरय ।  
तनय चायि म्य थरु थरय ॥

बु वा'चस गो'रु द्वारस,  
खबर हेनि शाह सवारस ।  
गछय यिनाह यति बु वरया ॥  
म्य छोरमख च\_ भवसरय । ० ।

म्य ध्युत गो'डु यति फालव,  
म्य को'र अदु तस आलव ।  
सु चल\_रावि म्य अरुसरु ॥  
म्य छोरमख च\_.....

च\_ यलि छुख घरु म्योन अचान,  
म्य नो छुय मन ति व्यचान ।  
म्य याद प्यव असल घरय ॥  
म्य छोरमख च\_.....

सरन सा'त्य छि सरदारी,  
मत्यव प्रा'व चा'न्य यारी ।  
कडखना म्य यमि शरय ॥  
म्य छोरमख च\_.....

बुछू फा'ल्य म्यानि वारि पोश,  
दमाह रुजिथ बुछ च\_ बोश ।  
चो'पा'र्य छुख च\_ चराचरुय ॥  
म्य छोरमख च\_.....



बुद्धिथ लय, गयस चोन स्वरूप,  
म्य प्राणुक जोलुम दीप ।  
च यित् चये सा'त्य ब तरय ॥  
वनय क्याह म्यानि गो'रय ।०।

चय सो'ख खोरुथ कहवचन,  
अमि घट्ट कांह छा बचन ।  
लगय कुरथस सरय ॥  
म्य छोरमख च\_.....

यि कुस नजारा गोम दिथ,  
सु यिथ मा गोम नीरिथ ।  
मशम मा जांह ति हरय ॥  
म्य छोरमख च\_.....

हतो वाद् म्योन कर पूर,  
बनो रुज्जिथ हेकान दूर ।  
बु चोनुय नाव हो सो'रय ॥  
म्य छोरमख च\_.....

वलो म्यानि नावि नम रठ,  
दिलस गोमुत छुम वठ ।  
यिनाह मस्तानि प्येयि परय ॥  
म्य छोरमख च\_ भवसरय ।०।





## म्य अवस्था शाम्भवी

म्य अवस्था शाम्भवी,  
दिन्य ग'छ म्य भगवती ।  
बु रोजाहा'स, पत यती ॥  
म्य ग'छ दिन्य भगवती ।०।

च\_ छख अष्टा - दशभुज्जी,  
रछान जागतस हर विज्जी ।  
छिय छारान यति म'त्य ॥  
म्य ग'छ दिन्य भगवती ।०।

बु छस प्येमच वति प्यठ,  
चल्यम कर लोलुक वठ ।  
योतान्य गयम केश छत्ती ॥  
म्य ग'छ दिन्य भगवती ।०।

कलन म्यान्यन लोलु जल,  
मन गोमय निर्मल ।  
बु लागहा'य कारिप'त्य ॥  
अवस्था शाम्भवी.....

बु छस गदाह आमच,  
सदाह दिनि डेढि चानि चामुच ।  
बु तुलमुलि प्रारय तति ॥  
अवस्था शाम्भवी.....

शमाह दो'द दमाह बेहत च\_य,  
मनस म्यानिस चलि दयि ।  
जिगर वन्दहा'य च\_य लो'त्ती ॥  
अवस्था शाम्भवी.....



म्य क'र सखर पूजायि हंजा,  
म्य गजारावि दासन हंध्य गजे ।  
छि आमत्य अ'स्य लवहत्ती ॥  
अवस्था शाम्भवी.....

चमन फो'ल्य वारि म्याने,  
च'य रो'छ कुस म्य जाने ।  
दि आलव म्य लो'ति लो'ति ॥  
अवस्था शाम्भवी.....

क्रिया करत, तिछ जीवो,  
बनान आसहा'ख च' दीवो ।  
थचिस लोलु पन, क'त्य कत्ती ॥  
अवस्था शाम्भवी.....

चन्दन हार छखना च' म्योन,  
बन्धन कास एहसान छु चोन ।  
म्य म्येलिहेम परम गत्ती ॥  
अवस्था शाम्भवी.....

हतय ! लोलु नजारा म्य त्राव,  
गन्योमुत छुम लोलु भाव ।  
मस्तानि बनाव च' मती ॥  
दिन्य ग'छ म्य भगवती ।०।





## रुत डेंशिहा रुत कांछिहा

रुत डेंशिहा, रुत कांछिहा,  
रुतिसुय प्यठ, करहा मनन ।  
यि छु म्योन भजन ! यि छु म्योन भजन ॥

कांसि हुन्द दो'ख छसन् चालान,  
नाहक्य पान छस वु गालान ।  
पजि वति रोजहा, वुति पक्कन ॥  
यि छु म्योन भजन.....

रसु रसु मल, प्यालु चमहा,  
चा'निसय स्वरूपस नमःहा ।  
ध्यवु कुनि बनिहे, म्यति दर्शन ॥  
यि छु म्योन भजन.....

केंहतिनो, असितामत छुय,  
यी वो'नुथ ती को'रमय म्य ।  
पूर्यर दिज्यम यिमन शरनन ॥  
यि छु म्योन भजन.....

संसार वुछुम, क्रूठ बाजार,  
छांडांन छसय, चोन बाजार ।  
त्यलि आसिहे म्य द्वय भाव चलन ॥  
यि छु म्योन भजन .....

सारिनुय वु वथरावान पानु,  
छुख म्य तिमनुय मंज च भासान ।  
क्याह छुम न्युन, क्याह त्रावुन ॥  
यि छु म्योन भजन.....



चोन नाव ह्यथ भवसरु तरय,  
 चलिहेम म्यति यति मरु मरय ।  
 छस बु चान्यन कथन्य सनन ॥  
 यि छु म्योन भजन .....

चूरि हो थवथ हावथ नु कांसे,  
 प्यतरुन म्य प्ययितन दोद वांसे ।  
 चा'नी करान रोजु बु अर्चन ॥  
 यि छु म्योन भजन .....

करना'वथस लोलु नावि सा'र,  
 हुकमस चानि ल'ज नु ता'र ।  
 लोल हो बु, वथरावय वतन ॥  
 यि छु म्योन भजन .....

रंग रूप तु संग छुम चोन्य,  
 स्वीकार करखना लोल म्योन्य ।  
 तमि पतु गछयम भक्ति भाव ननन ॥  
 यि छु म्योन भजन .....

यच\_काल गयम प्रार्य प्रार्य,  
 रुत्य कृत्य चय तारिथ सा'री ।  
 सूर्य सूर्य छुहम च\_य गनन ॥  
 यि छु म्योन भजन .....

मस्ता'न्य क्याजि पावथन पथथर,  
 यति योर, वो'न्य मत, बांबर ।  
 रोजान्य ग\_छस चा'नी स्मरण ॥  
 यि छु म्योन भजन, यि छु म्योन भजन ॥१॥



## अकि दोह लूकव

अकि दोह लूकव, को'र म्य सवाल,  
वनतय, अथि किथ क'न्य ओय लाल ।

दो'पमख गो'र गोम, सीर भाविथ,  
यथ जगु मंज, प'ज वथ हाविथ ।  
जोनून गोमुत क्याह ओस हाल ॥  
अकि दोह लूकव को'र ॥०॥

परमुच तु लीछमुच ज्याद छसना ।  
यथ वांसि मंज, स्यज साधु छसना ।  
तव किन्य, आमुत छु टाठिस खयाल ॥  
अकि दोह लूकव.....

मा'ज सरस्वती आ'सम मेहरवान,  
ता'म्य का'सनम, मूर्खतायि हंज हान ।  
तमी करतान्य, चूरि को'रनम साल ॥  
अकि दोह लूकव.....

क्रख गयि यति शाहरस तु गामस,  
म'त्य हसा' वा'त्यमत्य छि परम धामस ।  
तनु प्यठय गा'मच छस बेहाल ॥  
अकि दोह लूकव.....

वुछत नाफु ओसुस अन्दरी खटिथ,  
रूस्य क'ट छि फेरान कोह बाल चटिथ ।  
ब'ल्य भासान तस मन बेताल ॥  
अकि दोह लूकव.....

मंज रातस सेतारु गोम कनुन,  
नचान तु ग्यवान कुस्तान्य वनन ।



वो'थ वुछ तमिसंज्ञ, मस्तानु चाल ॥

अकि दोह लूकव.....

श्माह गोमुत म्य ओस पान हाविथ,  
पोपरन थवनस परजुना'विथ ।  
यिनाह जाँह वनहा'म लोलु दग चाल ॥  
अकि दोह लूकव.....

केंह छाह दो'ख दा'ध्य छिय चटिम'त्य,  
यथ थरि केंह पोश, छिम फो'लिमत्य ।  
रोजाहय त'स्य सा'त्य बहा ना'ल्य नालु ॥  
अकि दोह लूकव.....

बुल बुल ओस, बोल बोश करान,  
यारस खबरा, वातनावान ।  
जल कर पतु पतु, फेरान काल ॥  
अकि दोह लूकव.....

हर दोह, नोव लोलाह हावतम,  
फुठमुत दिल छुम, परजनावतम ।  
तेलि मस्ता'न्य गछि मालामाल ॥  
अकि दोह लूकव को'र म्य सवाल ।०।





## मस्तान् मस चथ

मस्तान् मस चथ, मस गयस,  
तमि पत हसा, पायस पेयस ।

अज रात वुछुम अख शुन्याह,  
शुन्यस मंज सु परमात्मा ।  
अद पत गा'मच छस लयस ॥  
मस्तान् मस चथ.....

संसारस छु कूत त्रपजार,  
चानि लोलुक वुछुम शेहजार ।  
ब'ल्य हो ब संगसार यति गयस ॥  
मस्तान् मस चथ.....

रंग नाविथ हा, मन म्योनुय,  
पोशन मंज ति, रंग छु चोनुय ।  
सतसंगकुय रंग, मो'ग म्य दयस ॥  
मस्तान् मस चथ.....

प्रान् रजि करिथ हसा' मालय,  
तमि सा'त्य, मन म्य, गो'ड लालय ।  
करहा वलास, साहिबे रो'यस ॥  
मस्तान् मस चथ.....

घरि नीरिथ, वो'न्य क्याह म्य करुन,  
करनावि पानय, छुम हा तरुन ।  
जिन्दु आ'सिथ, कोनो मो'यस ॥  
मस्तान् मस चथ.....

यन् लोल, रो'टमुत छुम मच,  
तन् लालय, लो'लनोवुम को'छे ।



प्रारान छस वु चानिस सायस ॥

मस्तानु मस चथ.....

करु क्याह, वुनिति घरुबारसय,  
छो'रमख हा मंज व्यवहारसय ।  
वुछतो च् जांह, भक्ति तस्य ॥  
मस्तानु मस चथ.....

यिम चा'न्य टा'ठुय, तिम म्या'न्य छिय,  
दो'गन्यान कति छु, छम चा'न्य द्रिय ।  
कर क्याह तोति, प्रानिस खो'यस,  
मस्तानु मस चथ .....

लछिनावि वछि वछि, छस दिवान,  
कोनाह तूर्य, टाठुयन छुख निवान ।  
यी सो'रिथुय हा क्षूभस गयस ॥  
मस्तानु मस चथ.....

यावनस द्रायि, दोह तारय,  
तावनस लजिस वु क्याजि यारय ।  
करु क्याह, वो'न्य यति, कालु भयस ॥  
मस्तानु मस चथ .....

थचमुच् छसय आमुच् शरण,  
मस्ता'न्य छय लोलु प्यालु भरन ।  
ताज गंडने वातहा' दयस ॥  
मस्तानु मस चथ मस गयस ।०।





## म्यहा दय याद प्यव

म्यहा दय याद प्यव, सुबहन सुबहन,  
पूजाह कुरमस म्य, सुबहन सुबहन ।  
नालमति रोटुमना, सु सुबहन सुबहन ॥

गो'रु रूप, दय वुछुम,  
तमिसुय हय लोल भो'रुम ।  
अमुना त्रोवनम, सुबहन सुबहन ॥

यथय लोलु मन्दरस,  
तस हय श्याम सो'न्दरस,  
वा'न्य छसयो दिवान, सुबहन सुबहन ।

साहिबो, लोलु तु माये,  
आयिसय बु श्रद्धाये ।  
चायिसय चये निश, सुबहन सुबहन,

लोलु माल फिरमय,  
वा'न्य चये म्य दिचमय ।  
नो'न हसा' द्राहा'म, सुबहन सुबहन ॥

सत्य युग छु नेरान,  
घरु घरु छु फेरान ।  
कति त्रावु आसन, सुबहन सुबहन ॥

यचु कालु प्यठु बु प्रारान,  
चये पत हा लारान ।  
लबहा'थ कुनि विजि, सुबहन सुबहन ॥

यारफता'री यि दुनियादा'री,  
लगयो म्य थवतम सदाह बरकरारी ।  
असि दो'न छि गा'मच, सुबहन सुबहन ॥



मन छु म्योन छो'कुलद,  
यिनाह करहा'न दकजद ।  
पकिथय थचिसय, ब सुबहन सुबहन ॥

चये सा'त्य गिन्दहा रास,  
दो'नवय करव, अथवास ।  
मस्ती रोजिना म्य, सुबहन सुबहन ॥

रो'नि दामनस लगयो चा'निस,  
छो'न्य छुय गोमुत मनस म्या'निस ।  
मस्ता'न्य गयि धन्य धन्य, सुबहन सुबहन ॥  
म्यहय दय डूठमुत छु सुबहन सुबहन ।०।



### ब नम्येसय दम् दमय

ब नम्येसय दम् दमय,  
चय मा याद प्यमय जांह ।  
ब जान रुटनस अमी गमय ॥  
चय मा याद प्यमय जांह ।०।

श्माह जालिथ, हसा' ब शमय,  
पो'पुर बनिथ ति यिमय जांह ।  
बेशक गछितन म्य, जम् जमय ॥  
चय मा याद.....

चानि वानय, मय ब चमय,  
च'थ पत्तु बिहिथ करव हिसाब ।  
युथ ह्युव मा यियि, बेयि जांह समय ॥  
चय मा याद.....



तम्बला'वनस संसारुक्क्य भ्रमय,  
 करिथ हसा' गोम संहार ।  
 तोति सथाह चा'न्य छमय ॥  
 च.य मा याद.....

मन गछि थवुन हर विजि कृमय,  
 अदु गछि बेयन वनुन ज्ञान ।  
 दिह गछि वालुन अभिमान खमय ॥  
 च.य मा याद.....

वेरि नेरि मन, जेरि जमय,  
 सोरुय संभालुन च.य प्योय ।  
 त्यागु सूर रमित रोजि रमय ॥  
 च.य मा याद.....

वनत गोसु गई च.य कृमय,  
 तोसु वथरिथ थविमय ।  
 तोति लों'चि चाने लमय ॥  
 च.य मा याद.....

छुमा त्रावान यति, कां'सि यमुय,  
 बेशक आ'स्यतन सन्त या फकीर ।  
 यी सो'रान सोंचान बृ ह्यमय ॥  
 च.य मा याद.....

जीर लजिम, जीरु बमय,  
 चीरु रो'ठमय चोन दामन ।  
 गीर कुरनस अमी थमय ॥  
 च.य मा याद.....

लोलु नारन को'रनम दमय,  
 तनय प्यठु गयस फलवाह ।



लले हिश लोलु नावि लमय ॥


च॒य मा याद .....

वाश कडिज्यम, आश छमय,

नित्य वा'तिथ डेढि तल ।

मस्तानि रोजी चा'नी हा अमय ॥

च॒य मा याद प्यमय जांह ॥०॥



## सीन् मुच॒रिथ हावहा'य च॑य

सीन् मुच॒रिथ हावहा'य च॑य,

कीन् त्रावतम साहिबो ।

दीन दुनिया म्योन छुख च॒य ॥

आजामावतम हा साहिबो ॥०॥

चा'न्य द्र॒य छम, च॒ याद प्योहम,

वादु मशरिथ क्याजि गोहम ।

साधु शाहजादो लगय ।

वथ म्य हावतम साहिबो ॥०॥

दारि प्यठ छस, च॑य प्रारान,

दारि ओसुम ओ'श वसान ।

वारि म्याने ध्यान थावतम ।

पकनावतम म्य साहिबो ॥०॥

व्यसरा'विथ पर पा'विथ,

अरुसर म्या'न्य वुछताह जांह ।

शर छुम, जांह घरु अच॒तम ॥

लोल छावतम साहिबो ॥०॥



अज छु चोनुय बो'ड बडि दोहा,

लोल भरने आयिसय हो ।

ॐ शब्दुक लोलु नाद ॥

बोजनावतम हा साहिबो ।०।

दिलबरो दिल क'म्य सा' न्यूनम,

छारनुय मुश्किल हा गोम ।

प्रारान छस पतिमि पहरय ॥

तूर्य खारतम साहिबो ।०।

लछि लटि सोजाय हा धन्यवाद,

म्योन मन अज को'रुथ शाद ।

हनि हनि ध्यान चोनुय ॥

धारनावतम साहिबो ।०।

वासनायन डास करिथय,

खास आसन हा धा'रिथय ।

तारवुन छुख च'य तारस ॥

तारनावतम साहिबो ।०।

अख म्य गछि चा'नी दयाह,

बेयि म्य ग'छु स्मरण सदाह ।

आयसय ब' योर गदाह ॥

बर मुच'रावतम साहिबो ।०।

देश कालस निश ब' दूर,

क'म्य ब' कुरनस मजबूर ।

डोलान स्वर्गच ब' हूर ॥

तोलनावतम साहिबो ।०।

सारिनय चोन हा अनुग्रह,

मेति बो'रमय लोल तु श्रैह ।

मस्तानि छय खस्त गा'मुच ॥

मस सु चावतम साहिबो ।०।



## शाप पाप माफ कर

शाप पाप माफ कर,

हताह म्यानि साहिबो ।

सुलि घरि असिति वेर ॥

हताह म्यानि सत्गो'रो ।०।

छो'टुय हसा' ज्यूठ गोम,

संसार म्य कूठ प्योम ।

तवय छम म्य बांवर ।

हताह म्यानि साहिबो ।०।

दरदिल छि ता'स्य बनान,

युस छु, रहवर बनान ।

त्रावि लोलुच नजार ॥

हताह म्यानि साहिबो ।०।

शरमन्द वु छस स्यठाह,

बन्दगी करहाय सदाह ।

चायम म्य थरु थरु ॥

हताह म्यानि साहिबो ।०।

वन्दहाय वु जुव तु जान,

करतु अख म्य एहसान ।

वारु पा'ठुय म्य सरु करे ॥

हताह म्यानि साहिबो ।०।

गछिथ हसा' अस्तान,

छोंडमुत म्य मस्तान ।

सु वुछुम, तति चराचर ॥

हताह म्यानि साहिबो ।०।



मन म्योन अज, शाद गव,

जन सु हा, आजाद गव ।

डूठमुत म्य सत गो'र ॥

हताह म्यानि साहिबो ।०।

शमहन, यलि होव पान,

पोंपुर छुस वति रटान ।

बेशक चास मरु मरु ॥

हताह म्यानि साहिबो ।०।

काल कस छु यति प्रारान,

वारि वारि छु, सारिनुय निवान ।

छारान सु छु, अवसर ॥

हताह म्यानि साहिबो ।०।

लालु यलि म्य याद प्यवान,

मन छुम, वदान रिवान ।

मरय मा वु अमि शरय ॥

हताह म्यानि साहिबो ।०।

वां'स मसा' ज्यठरावतम,

मस्तानि कुनिति, छो'टरावतम ।

वछहा'ना वु बुजर ॥

हताह म्यानि साहिबो ।०।





## गो'रु दोह छु, गो'रु सुन्द ध्यान

गो'रु दोह छु, गो'रुसुन्द ध्यान धरय,  
खुलु दिल हसा' पूजाह करय ।  
गो'रु म्यानि, हा परमीश्वरय ॥  
लोलु अशि सा'त्य, पूजाह करय ।०।

लोल चोन म्य कोताह आमुत,  
छलु गरि, चरि छुख च- द्रामुत ।  
गोडु करिजि टाठ्यन सरय ॥  
पूजाह करय पूजाह करय ।०।

ध्यान धारणा, छस व धारान,  
रसु रसु चये पत लारान ।  
आ'छ जन लजिमच- छम धरय ॥  
पूजाह करय, पूजाह करय ।०।

को'त चो'लुख म्यानि सरमाये,  
यति छोरमख हय, जायि जाये ।  
वनतो कमि तारु तरय ॥  
पूजाह करय, पूजाह करय ।०।

बेबसीलन हन्दि, वसीलदारो,  
लोलु मत्यन हन्दि, खरीदारो ।  
लोलु अ'शि सा'त्य, पूजाह करय ॥  
पूजाह करय, पूजाह करय ।०।

लोसमुचन अछन छु ओ'श जारी,  
कुनि कालि, सुमा करि म्य या'री ।  
भासान छुख, म्य च-य हरय ॥  
पूजाह करय, पूजाह करय ।०।



अवलय बू ज्ञान करना'वथस,  
लगयो, चूँरि हसा' बू था'वथस ।  
जांह यित, चूनि खावे जरय ॥  
पूजाह करय, पूजाह करय ।०।

समयन सो'रुय म्य होवुमुत,  
क्याह प्रोवमुत क्याह म्य रोवमुत ।  
बहा छसयो, बर तल अमि शरय ॥  
पूजाह करय, पूजाह करय ।०।

लोलस आसतम, पछ करान,  
वसवास सा'त्यन, छस मरान ।  
ममतायि जालन छस बू वरय ॥  
पूजाह करय, पूजाह करय ।०।

छयन दिथ, खास तय आमस,  
नातनाव म्य परमय धामस ।  
नतु हो बू पा'न्य पानस खरय ॥  
पूजाह करय, पूजाह करय ।०।

सन्तन तु साधन छु, म्योन प्रणाम,  
तिमवुय होवहा'म लोल दुकान ।  
मस्तानि लो'बनख चराचरय ॥  
पूजाह करय, पूजाह करय ।०।





## बोज गो'रु संज थावबा आश

बोज गो'रु संज, थावबा आश,  
सुय हावि, ज्ञान प्रकाश ।  
बेयि करी पूरु अभिलाष ॥  
गो'रु संज थावबा आश ॥१॥

गो'रु म्योन छु, परमात्मा,  
त'म्य को'रु म्य शो'द्ध आत्मा ।  
पापन करिथय हय नाश ॥  
गो'रु संज थावबा.....

गो'रु वेरि आयस वु योर,  
वा'थ्य वछिम, यति बरस ता'र्य ।  
होवनम चयत तु आकाश ॥  
गो'रु संज थावबा.....

यलि गो'रुन को'रु म्य आलव,  
वानस ध्युतुम हय फालव ।  
मिलना'व मुच छनम राश ॥  
गो'रु संज थावबा.....

आयस वु गो'रु संजि वेर,  
तेज गयि दिलस थरु थरु ।  
लोलुच मीठ स्यठाह छि चाश ॥  
गो'रु संज थावबा.....

गो'रुसुय म्य पुशरोवमुत,  
सूक्ष्म भाव छुमस होवमुत ।  
अद द्रामुत म्य मनस वाश ॥  
गो'रु संज थावबा.....



गो'र छु सारिनुय सामर्थ,  
तेलि मेलान छि सतुच वथ ।  
वेयि ध्युतुन म्य यूगुक बाश ॥  
गो'र संज थावबा.....

गो'र यति छुम दयावान,  
दिचनम आत्म म्य ज्ञान ।  
तनु प्यठु ज्ञान छस लाश ॥  
गो'र संज थावबा.....

लगहा बु गो'र ज्ञानस,  
वेयि मन्थरकिस दानस ।  
नतु आ'सुसय बु निराश ॥  
गो'र संज थावबा.....

पूजाह कर गो'र पादन,  
पतु सन्तन तु साधन ।  
तिम छि कासान विनाश ॥  
गो'र संज थावबा.....

बुछत मस्तानि हुन्द गो'र,  
व्या'पिथ छु सु चराचर ।  
मूर्खस दिचनम तराश ॥  
गो'र संज थावबा आश ।०।



## च॑ने॒व'न्य मंज॑य च॑ने॒न द्राम

च॑ने॒व'न्य मंज॑य, च॑ने॒न द्राम,  
तमि प॑तु, मनस आराम आम ।  
साहि॒बो ! म्य रछा॑ह आराम आम ॥  
च॑ने॒व'न्य मंज॑य च॑ने॒न द्राम ।०।

यं॒बर ज॑लन आ'स, हा'य प्ये॒मच॑,  
मस॑वल ज॒न आ'स जा॑यि गामु॒च ।  
वो'थ॑मु॒त वुछु॑म यति को॒हराम ॥  
च॑ने॒व'न्य मंज॑य .....

गा॒ह यलि त्रा'व, आ॒फता॑बन,  
तमि प॑तु द॒ग च'ज लो॒लु दा॑गन ।  
तति छु॒नु भा॑सान, सु॒बह त॒ शाम ॥  
च॑ने॒व'न्य मंज॑य .....

क॒म क॒म वी॑र, ब॒लवी॑र वुछि॒म,  
ति॒मनु॑य दि॒लस मंज॑ दा॒ग वुछि॑म ।  
द॒ग च॑जि॒म ते॒लि, यलि द॑य व॒नि आ॒म ॥  
च॑ने॒व'न्य मंज॑य .....

लो॒लु र॒जि, ल॒मनो॑वथन,  
तो॒ति क्या॑जि ब्र॒ह्म फा॑सि खा॒रनो॑वथन ।  
सा॒रि॒वुय वुछ॑ अ॒शक॑स अ॒न्जाम ॥  
च॑ने॒व'न्य मंज॑य .....

के॒ह का'त्य थ॑वि॒मुत्य॑, तमि ध॒नवा॑न,  
के॒हच॑व मो॒गह॑स, आ॒त्म ज्ञा॑न ।  
टा॒ठुय॑व छो॒डमु॑त छु सु॒य गु॒लफा॑म ॥  
च॑ने॒व'न्य मंज॑य .....



ल्यूखमुत यलि छुय म्योन तकदीर,  
तति वनि आमुत म्य चोन तसवीर ।  
जीर क्याजि दिचथम गयस बदनाम ॥  
चेनुव'न्य मंजय.....

मीरायि यलि, गोपाल छोंडुन,  
सर्फस प्यव पोशिमाल बनून ।  
अरशस प्यठ वुछुन रंग तमाम ॥  
चेनुव'न्य मंजय.....

हा वलो, मनि मंजा ललुनावथ,  
जिगरस मंजा हो, चूरि थावथ ।  
अमि पतु चटिथ, छनिम यतिकय जाम् ॥  
चेनुव'न्य मंजय.....

घरु क'र्य क'र्य, अरु अनिथसो,  
तमि पतुति कवा, सरु कुरथसो ।  
सरु करुनोवुथ सो'न तय त्राम ॥  
चेनुव'न्य मंजय.....

वनचयन यार्यन छु, दयसुन्द सग,  
लोलु मत्याह, चलनावतम लोलु दग ।  
पतमा लूक जांह दिनम यति पाम् ॥  
चेनुव'न्य मंजय.....

स्यदि तय शाहजादु लगयो,  
चोनुय लोलु दूर वु सगयो ।  
मस्ता'न्य अदु, ध्यव लबि चोन धाय ॥  
चेनुव'न्य मंजय चेनुन द्राम ।०।





## हा पीरु म्य कर गीर

हा पीरु, गयस गीर, म्य रो'ट चीरु पनुन पान,  
दिचथम चय ओरय जीर ।  
म्य रो'ट चीरु, चोन दामान ॥

थावतम च कन नादन,  
करु क्याह, तिमन वादन ।  
भावय पनुन यि सीर ॥  
म्य रो'ट चीरु चोन दामान ।०।

लगयो र'त्यन बु कारन,  
गा'जनस बु संसारन ।  
छुखना च धीर गंभीर ॥  
म्य रो'ट चीरु चोन दामान ।०।

भय कासतम, साहिबो,  
लय था'वथम हा दयो ।  
वनतम म्य क्याह तकसीर ॥  
म्य रो'ट चीरु चोन दामान ।०।

सुबु दम, बति जागस,  
चूरि थवथ मनु नागस ।  
मन म्या'न्य हा बलवीर ॥  
म्य रो'ट चीरु, चोन दामान ।०।

दावस क्याजि ला'जिथस,  
भावस जांह, वुछहाख ।  
नावस छु बो'ड ता'सीर ॥  
म्य रो'ट चीरु चोन दामान ।०।



क्षण मात्रस अन्दर,  
मन किथव बनि सोन्दर ।  
धा'रिथ दितिथम तीर ॥  
म्य रो'ट चीरु, चोन दामान ।०।

आयस वु चोन दरगाह,  
खार्यम नियाज रोपयि काह ।  
अवलय वु छस बापीर ॥  
म्य रो'ट चीरु चोन दामान ।०।

पीरो चय गयि पीरी,  
दिन्य गा'छ म्य फकीरी ।  
छोंडुथ बा कमि तदबीरु ॥  
म्य रो'ट चीरु चोन दामान ।०।

संसारुकिस सो'दरस,  
तार मंगहा'ना वु तस ।  
थवतम लक्षमण लकीर ॥  
म्य रो'ट चीरु चोन दामान ।०।

करुनावि तार अपोर,  
चलिहेम मनस वोरु वोर ।  
बदलावतम तकदीर ॥  
म्य रो'ट चीरु चोन दामान ।०।

मस्तानि कर अनुग्रह,  
तस छुय चोनय हा श्रेह ।  
चटिथुय छुन्यन जंजीर ॥  
म्य रो'ट चीरु चोन दामान ।०।





## मार् मत्या सूर् मत्या

मार् मत्या, सूर् मत्या, भजन को'रुम आरु हत्ये,  
रोजान छुख च् कत्ये, भजन करय आरु हत्ये ।

शिव छुख च् कैलाश वासी,  
छसना व् चा'न्य वासी ।  
रो'न्य मत्या छो'न्य मत्या ॥  
भजन करय आरु हत्ये ।०।

हा टाठि, आमुत म्य लोल,  
अन्दरी गोमुत छुम हा होल ।  
छोंडमख हा वत्य वत्ये ॥  
भजन करय आरु हत्ये ।०।

आमुत छुम, मनस तूफान,  
आसुसय मा व् अन्जान ।  
छुम क्यासा' म्य कर्म कृत्ये ॥  
भजन करय आरु हत्ये ।०।

रोजान छु सु अन्दर शुन्यन,  
हाल म्योन तस, कुस वन्यस,  
नूरु मत्या, सर्फ मत्या ॥  
भजन करय, आरु हत्ये ।०।

सा'त्य सा'त्य छय हा गौरी,  
बनिथय हा यति आदि शक्ति ।  
योर यिताह च् लोति लोत्ये ॥  
भजन करय आरु हत्ये ।०।

सतकिस भावस पचिस,  
तोति क्याजि यति थचिस ।



काया सो'तान सो'त्य सो'त्ये ॥  
भजन करय आरु हत्ये ॥०॥

नन्दीश्वर छुय चय सवारे,  
कुनि का'ल्य असिति तारे ।  
भाव मत्ये छावू यते ॥  
भजन करय, आरु हत्ये ॥०॥

वुछ म्य चो'पार्य गाश आमुत,  
चोनुय प्रकाश प्योमुत ।  
मन मा म्योन यति छ'ते ॥  
भजन करय, आरु हत्ये ॥०॥

आलवन थविज्यम च\_ कन,  
वो'न्य बनावतम, सो'न म्य मन ।  
साहिबो, हा मायि हत्ये ॥  
भजन करय आरु हत्ये ॥०॥

मस्तानि चा'न्य द्रुय छय,  
तस छु म्यूलमुत चोन पय ।  
आमुत छुख, सातु रत्ये ॥  
भजन करय आरु हत्ये ॥०॥



यह कुछ कश्मीरी शेर मुझे कलादर बादशाह ने भेंट  
स्वरूप दिये हैं। मुझे मालूम नहीं यह सुन्दर शेर किस  
के लिखे या कहे हैं। किन्तु सन्त के कहने पर मैं इन्हें  
अपनी पुस्तक “आत्म ज्ञान” में छपवा रही हूँ।

कथ लगै लोलस अथस या,  
सायि शिहिलिस शफकगतस ।  
दजुवनिस आदुम रतस, या,



मायि रस्यतिस मोहवतस ॥

वन कथ लगै.....

शुर्य कथन या नफरतस या,

पा'री चा'निस अजमस ।

तापु तचरस जुलमतस या,

शायि रस्यतिस रहमतस ॥

वन कथ लगै.....

या लगै अपजिस सतस या,

मारिफतकिस बरकतस ।

जाहरका'तिल फुरकतस या,

मायि रो'सतिस कुरवतस ॥

वन कथ लगै.....

ला तमाह तन्हा लोतस या,

रलवनिस रोशन खतस ।

नूरु बरितिस सूरतस या,

लगय कथ आदतस ॥

वन कथ लगै.....

यामु वो'तरिस ह्यकमतस या,

जखमुकिस नूनस ज्यतस हा ।

रठ लगै कथ कथ हितस या,

बायि रस्यतिस उलफतस ॥

वन कथ लगै.....

यूगु बलकिस गुरवतस या,

सबरुकिस अथ फुरसतस ।

बा खोदा नतु फितरतस या

पीरु लगया सीरतस हा ॥





राज दुलारी कदलबुजू  
(मस्तानी)